

# ALL NATIONS GOSPEL PUBLISHERS



[www.angp-hb.co.za](http://www.angp-hb.co.za)



[info@angp.co.za](mailto:info@angp.co.za)

*DAN EST / YACOUBA Heart Book*

**‘Pë ‘o mɛ zuë” ‘dhö- ‘ka**

**LE COEUR DE L'HOMME**

**OU**

**LE MIROIR SPIRITUEL DU COEUR**

**en Dan est de Côte d'Ivoire**

**COPYRIGHT**

**ISBN 1 - 874934 - 56 - 8**

**E-MAIL : [info@angp.co.za](mailto:info@angp.co.za)**

**ALL NATIONS GOSPEL PUBLISHERS**

**P.O. Box 2191, PRETORIA, 0001, R.S.A.**

**(Une Mission de littérature évangélique financée de dons)**

**(Reg. No. 1961/001798/08)**

## 'Pë 'ö mε zuë" 'dhö- 'ka

'Sëedhe 'ö ya, -wa -blæsü -pëkë -Flangsi -se 'gü, -a  
-kwe =ya ziö -kwe këng =plε -ta =dεε. =Dhe 'ö go mü,  
'yö J.R. Gschwend 'dhö -ben zë 'zü 'bhawo.  
'Sëedhe 'ö- -ben zë ''dhü bha, =waa- 'gü =slëë -wu  
këng =plε -kɔ ''sɔɔdhu 'gü. -A 'sëedhe 'ö yö bha -yö  
mε suu =gban 'nii- -dha -dedewo. 'Mε 'wo 'sëedhe  
ya- -wu pö, 'ö 'wo wo -de dɔ 'wɔnyakëmε 'ka  
Atanna wëëdhö, 'ö 'wo wo bo 'wɔn yaa kë -sü 'ka,  
'ö Atanna -yö zuëga -dee nu -a -nu -dhe waa-  
'yaaki -dee 'dhö, -wo 'gbε.

# ‘Pë ‘ö me zuë” ‘dhö- ‘ka

=Ya kë =dhe 'yii kë Atanna -dhökëgüko 'ka, kö  
Sotraan -bha yëkëdhe -mü.

(1 Zan 3:4-10)

‘Sëedhe ‘i- -wu pö sië ya, i -zu -yö -bö =dhe -yö =dhe  
=dhuangdhe ‘ö ‘i =moo- -bha ‘i i -de yö- ‘gü =në- ‘dhö. I  
‘dhang- -bho Atanna -wön “dhiü oo, ‘bhaa ‘dhang- bho- “dhiü  
oo, i -kë googbume ‘ka oo, ‘bhii kë- ‘ka oo, i -kë ‘me ‘ö =ya ö  
-ta yö Atanna -go ‘ka oo, i -dho i -de yö- ‘sëedhe ya -a -wu pö  
-sü ‘gü, =dhe -ko ‘ö Atanna -yö i -ga ‘ka- ‘dhö. ‘Ö Atanna -zë  
wëedhö, me =ghan “pepe -wo =dhe ‘ko ‘dhö, yö -zë -yö me  
zuë” =në- -ga.

Sotraan =në =sua kë -sü -da me zuë” “piü. Yö =në ‘ö ‘wön  
“zuuzukëme -nu -bha -gblüdë ‘ka, yö =në ‘ö =sua kë -sü  
-gengodhe ‘ka. ‘Yö ‘kpungtaadhe -bha -zlan ‘ka. ‘Yö ö ‘gü -gla  
-nu wo sië Atanna -bha “kië ‘ö ‘wön -së -kë bha- ‘gü, ‘yö me  
‘gbe ‘wo- -ga =dhe -ya ‘ka, “këe kö ‘yaa- ‘ka ‘zü. Kö ‘pë ‘ö- ‘ka  
-yaa- -bin mebhudhe -go. -Kö do ‘ö -kweng- ‘zü, ‘ö me ‘bha  
-nu ‘wo wo -de -kë =dhe Yesu -bha bome -nu ‘dhö, “këe kö  
‘waa- ‘ka bha, me ‘gbe -wa ‘ka “dhü kwa kpö ‘gü =dëe. “Këe  
-a -kë “dhü -sü bha- ‘wön ‘yii ‘dho kwa ‘kôn-. -A -gen -mü  
=dhe Sotraan -yö ö ‘gü -gla Atanna -bha “kië -nu ‘wo ‘wön -së  
-kë bha- -nu ‘gü (2 Kodhengtö 11:13-14). ‘Dhang- ‘ö ‘waa-  
bho Klisi -wön “dhiü bha, -a ‘kloo- -mü =dhe Sotraan =në ‘ö  
wo -zë -a -nu -bha -zlan ‘ka, ‘yö =yaa- -nu “gblüü- -yaan =ghan  
‘wü “pepedhö, kë “dhü kö ‘wa ‘dho Atanna -bha nao -së ‘ö  
yö =në =dhe =dhangbha ‘dhö -dhetiidhe ‘gü bha- yö-. (2  
Kodhengtö 4:4). ‘Ö Atanna wëedhö, me “pepe ‘ö ‘wo  
googbume -nu ‘ka, ‘ö ‘wo ‘wonyaakëme -nu ‘ka, -a -nu =ghan  
-wo =dhe “yanwlüme “iin me =gee =në- ‘dhö, -a -nu -bha

-tosea kē -kō 'ō "kpingtaa yō bha- -wōn 'gū. 'Me 'ō 'wo bha, -wo "tu -to Sotraan -bha =gleng =nē bha. Sotraan zuē" =niidawōn =nē- -nu 'gū. -A -gen -mū -dhe 'waa Atanna "gbluu -ta (Efezō 2:1-2). 'Me 'ō 'wo "dhū bha kō- -nu "yan "dhiū -zē 'yii "pu, kō -wo wo -de dō 'wōnyaakēme 'ka, kō -wo 'dho -nē- wo siē 'gūseedhe 'ō- "dhiūtodhe 'yaa 'dhō bha -a 'gū veedhō dō, 'ō 'wo dho- 'ka. 'Me "uu 'me 'ō- pō yō -zē 'wōn yaa 'yaa 'ō -bha, kō -yō 'ō -de -ta =nē- -ma siē.

=Ya kē =dhe 'sēedhe ya 'ka- -wu pō siē, kō pē "bleen- -nu 'wo- 'gū bha 'ka- -nu -ga -sē 'ka, kō 'ka- -nu 'klōō- 'sū, ka zuēga 'ō -kō 'ō- -bha, ka -dho -a suu dō- pē "bleen- -nu bha- -nu kpō 'gū. 'Ka 'dho- pō 'ka Atanna -wu bho ka "tuu kē "dhū kō -yō 'wōn -nu bha- -nu -ta "pu ka -dhe, -a -gen -mū -dhe yō =nē dho -kō -dede 'ō ka zuēga 'ō- -bha -a -zōn ka -dhe. =Ya kē =dhe 'ka ka -de dō, -kaa 'wōn dō -dhe 'ka kē 'wōnyaakēme 'ka, 'ka 'dho- pō 'ka- -wōn zao-, -a -gen -mū -dhe Atanna -wu -ya -pō kwa -dhe =dhe: «=Ya kē =dhe 'kwa- pō kwa -de -bha =dhe =song 'yaa kwa -bha, kō kwa -de -ta =nē 'kwa- -ma, kō teanwōnpōme 'yaa -mū kwa 'ka.» «"Kee =ya kē =dhe 'kwa kwaa- 'wōn yaa -nu pō Atanna -dhe, -yō -dho kwaa- 'wōn yaa -nu bha- -nu -mawōn 'to-, 'ō kwa -zu, 'ō 'kwa -kē "slüüslü -a "yan 'gū.» (1 Zan 1:8-9) Atanna -wu -ya -pō 'zū =dhe: «Atanna gbō Yesu Klisi =yōōn 'ō- =wennng kwa -wōn 'gū bha =nē kwaa- 'wōn yaa =gban "pepe bho kwa -bha.» (1 Zan 1:7) A -dhe -ya -bha kō 'ka -kplū 'wōn dō bha. 'Ka Sotraan =nē- -bhlēē -ya, kō ka 'wōn yaa =nē -bha =dhuēng 'ka. 'Ka Atanna =bhlēē -ya, kō 'ka kē- -bha yēkēme =nē- 'ka. =Ya kē =dhe 'wōn yaa =nē -ya -sū 'ka ka -gō -ta, 'ka 'dho- -wōn zao-, -ka "tabhoo =nē- -da Atanna -dhe =yēn, kō -yō "ta ka -dhe, -a -gen -mū -dhe -yō -ya -sū 'ka ka dha -yan 'gū -a Gbō Yesu Klisi 'ō nu "kping =taa yi 'bha 'ka, kō -yō Sotraan -bha 'gūgbudhe 'ō bō- 'ka 'wōn yaa -ta, 'ō- -kō -ziō 'ka me "bhu- -gō bha- gū see-, kō -yō 'wōnyaakēme -nu dha bha- 'saa- 'gū. Yesu Klisi bha =nē kwa

Dhame 'ka. Atanna 'ö 'ka- wëëdhö bha, Atanna 'ö "slüüslü, 'ö 'wön 'bha -wön 'bha 'yaa -bin -a -gö, 'ö ka -zutagüwön -nu waa- ka këwön "pepe 'ö -bin -sü 'ka kaa- -tosea 'gü, -a -gban dö, yö -mü. 'Kaa =moo- -bha tongtongdhö kö 'ka ka -gbleen 'kpo -a wëëdhö, "iin 'zü kö 'ka ka këwön -nu -bin -a -gö, -a -gen -mü -dhe yö -në ka "tudhe waa- ka "yan -nu -kë. "Iin -yö ka 'gü -dhe 'me 'ö ka "tudhe waa- ka "yan -nu -kë bha yö -zë 'yaa 'wön ma, "iin 'yaa -dhe yö -ee?

-Yö -ben zë -sü 'ka Atanna -wu 'sëëdhe 'gü -dhe: «Atanna -yö -dhe -ta -kpo "kpongtaadhe -gban "pepe 'gü, kë "dhü kö 'ö 'me 'wo wo -de "kplëng bho- -bha wo zuë" -gban "pepe 'ka- -nu -kwëe bun -kö dö.» (2 Klonikö 16:9).

-A "yan -yö me -gban këwön waa- -nu "ta -kö -nu -bha. -A -dhetiidhe suu 'bha 'yaa 'dhö, "iin -a ga dhonggüdhe suu 'bha 'yaa 'dhö kö 'wönyaakëme -nu -wo wo -gbleen 'kpo mü, kö 'ya 'dho -a -nu yö-» (Zöbö 34:21-22).

"Këe 'yö -ben zë -sü 'ka 'zü -dhe: «Yesu -zë 'yii 'dhang- bho -a -nu "dhiü zian -moo; -a -gen -mü -dhe 'ö gun "dhü kö -ya -nu zuëpiüwön -dö 'kpakpadhö.» (Zan 2:24). -A -kë "dhü -sü bha- 'gü, «'me "vu 'me 'ö Atanna -yaa- -me -bha 'wön yaa -nu -mawön 'to, kö- -me -bha -ya kë -së.» 'Me 'ö Atanna -ya ö -zu 'go -a -bha 'wön yaa 'gü, -a -me -mawön 'to -sü 'ka, 'ö 'wön yaa 'yaa- -me zuë" 'gü 'zü, kö -a -me -bha -ya kë -së ("Tan 'sëëdhe 32:1-2). -Ka "Tan 'sëëdhe ('ö 'wo- Somö -kë bha) -a -kaong "soodhu ö ga do bha- -wu pö. Yesu -yö -tun -kö kwa -dhe sië =dëe. Yö -në- pö: «Me "pepe 'ö -kwëe- 'gbiin- 'dhö ka -gö, 'ö ka 'gü -ya ga -a 'sü -sü 'ka bha, -ka nu n "piü (kö 'a ka -ta bho,) kö 'a "teëpadhe nu ka -dhe.» (Matiö 11:28).

J. R. Gwschwend

Zuēga 'blēen- -nu bha -a -nu 'gū 'pv -ko

Pē 'blēen- -blēsū



'Wōnyaakēmē zuēga

Me zuëga “bleen- ‘ö -ya bha, gɔɔn- “iin dhebho ‘ö ‘yaa ‘dhang- bho Atanna “dhiü, ‘ö -tosea -kë -kɔ ‘ö -dhi -dhe -në- ‘ka bha, -në- zuëga “bleen- ‘dhö bha. Me suu bha -në ‘ö Atanna -wu -ya -dhe ‘wonyaakëme. Sotraan ‘ö “kprung-taadhe ya -a dë ‘ka bha -në ‘ö ‘me ‘wo “dhü bha- -nu -bha -tosea -gɔ “dhiü, ‘yö ‘wo -da -sü ‘ka wo -de dhɔɔbhaa -wɔn -nu -gɔ -dhuëngdhe ‘gü. -Kɔ -dede ‘ö Atanna -yö me zuëga ‘ö yö -a -ga ‘ka, ‘yö bha. ‘Me ‘ö- “yanga -gbaan tan -gbangbandhö bha, -yö kwa -zo -bö we ‘kpii- mü -me -nu -në- -nu -ta =dhe -kɔ ‘ö -ben zë -sü ‘ka- ‘ka Atanna -wu ‘sëedhe ‘dhe ‘ö “Gwënnng ‘sëedhe 23:29-33 ‘ka bha- ‘gü bha- ‘dhö =dhe: «De suu -nu ‘pö ‘wo “gbla -nu wo sië ‘wo-pö: ‘Ha! ‘He! De -nu ‘pö ‘wo “dhinaa -nu ma, ‘ö- -nu -bha yë ‘dhö ‘wɔn -da me -dhe -sü ‘ka? De -nu ‘pö ‘wo -nu -gii “wëewe kö- -gen ‘yaa ‘dhö? De -nu ‘pö -a -nu ‘yan -ya tan? Me -nu ‘wo woo- “tüng -gban to we -bha, ‘ö ‘wo dho we -kaan “kwëë -sü -nu mü zuëyaadhe ‘ka bha, wo -mü. ‘Bha ‘dho we ‘ö =waa- -da -kɔɔ ‘gü, ‘ö- “vuu ‘dhö -ya, ‘ö- “yan -yö me -zu kun, ‘ö- diin- ‘dhö kë -së me “dhi bha- -ga. -A -gen -mü -dhe -a “dhiü -ya -dhe -mü -a -bha i ‘kun -sü ‘ka =dhe =mlee ‘ö me kun, “iin =dhe gean” ‘ö me kun -a ‘dhö. =Ya kë “dhü i “yan- -dho bho- ‘nëdhiëng -nu ‘ö ‘wo -dheng ‘ka bha- -nu “piü ‘ö ‘i -ziö -nu =keng-, ‘ö ‘i dhiang zë =dhe ‘me ‘yaa ö -zu ‘gɔn- ‘dhö.»

‘Me ‘ö bha, -a zuë” “piü -wɔn ‘ö ‘dhö, -wa -zɔn wü ‘gbe -në- ‘ka. Wü suu ‘gbe -në- -nu “bleen- ‘dhö- ‘gü, ‘yö ‘wo ‘wɔn yaa -gɔɔ ‘gbe ‘ö- pa -sü ‘ka bha- -zɔn kwa -dhe; -a -gen -mü =dhe kwa zuë” bha -në ‘wɔn yaa -gban “pepe suu -gengodhe waa- -yeabhaadhe ‘ka. Atanna -ya -pö kwa -dhe ö -wudhiüloome Zedhemi “dhi ‘gü ‘ö- pö: «=Flü kë -sü -dho mebhudhe -kë, ‘ö ‘wo sëe” kpɔ me -dhe “yi -gblü -ta. -A -nu zuëpiüdhe -yö =gbleen, -a -nu “klu -yö ya-. Dee’ =mɔɔ- -bha ‘ö mebhudhe zuëpiüdhe dɔ?» (Zedhemi 17:9).



‘Yö Yesu yöö -dede ‘ö- -ta yɔ ‘ö- pö: «Me zuëpiüdhe bha =në -zu yaa -gɔn me ‘ka -sü -nu oo, -da dhe “piü -sü -nu “iip -ziö me -nu -bha gɔɔn- =keng- -sü -nu oo, “yënnɔ dɔ -sü -nu oo, me zë -sü -nu oo, =kwaan bho -sü -nu oo, zuë” -bhɔ =naɔ -bha -sü -nu oo, suu yaa- -dhe -nu, =flü kē -sü -nu, ‘wɔn -ma ‘koo -sü kē -sü -nu, zuë” -bhɔ me -nu -bha pē -bha -sü -nu, me -nu ‘tɔ zë -sü -nu, -de -sü ‘kpii- -sü -nu waa- slaa” -dhe -wɔn kē -sü -nu ‘wo go- ‘gü. ‘Wɔn yaa suu “pɛpɛ ‘ö “dhü bha, -yö -go me zuë” =në- “piü, ‘yö me -kē ‘wɔnyaakēme ‘ka Atanna wëëdhö.» (Makö 7:21-23).

1. Paɔn. (-Maa suu ‘bha ‘ö ‘yaa kwa -gɔ “se ya- ‘gü yö -mü. -De -sü ‘kpii- =yaa- pa, ‘yö -bhla ö ‘gü -vɔɔdhö =dhe =dɔngdɔng ‘dhö). Paɔn bha- “dhia -yö -ma me =gban ‘gü -a -bha -sëdhe bha =në- -wɔn ‘gü, “kɛɛ -a “blɛɛn- ‘dhe ‘kö -dhe ya- ‘gü ya, -yö ‘wɔn yaa ‘ö -kē -de -sü ‘kpii- -sü ‘ka bha =në- -zɔn ka ‘ka. Dhusifɛɛ, ‘ö -kē Atanna -bha “kië -nu -gɔmɛ do ‘ka, -de -sü ‘kpii- bha =në- -pö, ‘yö =ya kē Atanna ‘yaa- ‘ka =dɛɛ: Sɔtraan bha, ‘ka- pö ‘ka ‘wɔn ‘ö -gban -a -bha -a -wu pö -yö -slɔɔ Ezai 14:9-17 waa- Ezekiedhö 28:12-17 ‘sëëdhe -a -nu ‘gü.

-De -sü ‘kpii- bha -yö -go “siü ‘ö =geebɔɔdhe yaanbhadhë ‘gü bha =në- ‘gü, ‘yö ö -de -zɔn kwa -dhe -kɔ ‘gbe ‘gü. Me ‘bha -nu -bha -yö -da -a -nu ‘gü -a -nu -bha =naɔ =në- ‘kɔ -sɔn, ‘yö me ‘bha -nu -bha -yö -kē -a -nu -tuö -kɔ -së ‘ka, ‘yö me ‘bha -nu -bha -yö -kē -a -nu -bha sɔ -da -kɔ yaa ‘ö ‘wo wo -de -zɔn me -nu -dhe, ‘ö- ‘yiü- ‘yaa- -nu kē bha- ‘ka. ‘Yö me ‘bha -nu -bha -yö -kē -dɔ “tɔv -pē “yan bhɔ -sü -nu, waa- -ya -kɔ -bha -pē -sengbɔ -nu, “iip kɔnggabhapē -nu ‘ka =dhe -kɔ ‘ö -ben zë -sü ‘ka- ‘ka Ezai 3:17-24 ‘gü -a ‘dhö. ‘Yö me ‘bha -nu -bha -de -sü ‘kpii- -sü -yö -gban -a -nu “bhema -nu -bha ‘tɔbhɔdhe -bha. Me ‘bha -nu =de ‘pö, ‘wo wo -de sü ‘kpii- -a -nu -go ‘gü “se -kē -tiandhö -sü =në- -wɔn ‘gü. -A me ‘bha -nu wɔ -kɔ =në -a -nu -bha -de -sü

'kpii- -sü -gen 'ka, "iin troo suu -nu 'ö 'wo- kë -sü 'gü "gbu- -a 'ka, kö -a -nu -zu =ya bho =dhe -yö -ben zë -sü 'ka Atanna -wu 'gü =dhe: «Atanna -yö -do -gön -yan 'gü 'me 'wo wo -de sü 'kpii- -a -nu -go, "keε 'yö "gbe bho 'me 'kö 'wo- =bhlëë -ya bha- -nu -dhe.» (1 Piëdhö 5:5). «-De -sü 'kpii- -sü 'ö me 'yaa me 'bha yö- 'gü bha- -san -yö Atanna -kë.» ("Gwënnng 'sëëdhe 8:13). «'Me 'ö 'yaa me 'bha yö- 'gü bha, -a -yö "dhiü -bhlöw 'yaa kë. (-A -bha -dhekpäodhia -mü -a -yö "sia- -sü 'ka), 'yö 'me 'ö ö -de -sü 'kpii- 'pö -a -bha "dhiütodhe 'dhö -a pö -sü 'ka.» ("Gwënnng 'sëëdhe 16:18).

**2. -Bhu gön.** Wü =fiifiisü, 'ö zuë" 'dhö bho pë -nu -bha, yö =në -a "blëen- 'ö do bha. -Yö me "bhu- -nu kwa -bha zuë" -bho pë -bha -sü 'ö- -dho -yö kwa -kë, 'ö -kë "yënnng do -sü -nu, -zua zë -sü -nu, -ziö me -nu -bha dhe -keng- -sü "iin me -nu -bha göön- =keng- -sü -nu 'ka bha =në- -zön 'ka 'ka. "Tüng -totaamasü 'kwa do- 'ka ya, 'ö Yesu nu -sü =ya 'to klöö-, 'wön yaa suu bha =në -ya ziö -gbaö 'gü yaa 'gü yaa wo. 'Yö kwa -zu -bö teanwön 'ö Yesu -ya pö yi 'bha 'ka 'ö- -kwe =ya "gblü =ple bho =gban wo bha- -ta =dhe, "tüng 'ö Atanna -yö Sodomö -pö waa- Gomöw -pö -nu =piaa- 'ka yi 'bha 'ka bha- 'dhö.

-A -tosea kë -ko suu 'ö "dhü bha =ya kë 'wön -dee 'ka =dee 'gü -me -nu -go. 'Yaa 'me 'waa Atanna do woo do- -nu -bha 'wön 'ka 'zü, =ya 'dho =ya -da Atanna -dhökëme -nu -go 'ko "dhi -nu 'gü, "iin =klang -kweandhe -nu 'gü. -Tosea yaa suu 'ö "dhü bha- kë 'ö 'wo- wo sië =dee 'ö 'yaa 'yiü- -zian 'gü, 'ö =ya kë 'wön -ziisü suu 'bha 'ö dü faan =ya wö- -ta =në- 'ka bha, -yö bö- 'ka "sinima -nu oo, teatrö -nu oo, 'sëëdhe yaya -nu 'wo- -nu -ben zë 'wo- -nu -wo pö, waa- 'wön suu 'gbe -nu =në- -nu -ta, 'yö 'wo so. -A -kë "dhü -sü bha- 'gü, 'wön 'ö Atanna -ya -dhe 'wön yaa bha =në me

“bhu- -nu -zë ‘wo- -dhe sië =deë «’wɔn kē -kɔ -deë». ‘Yö ‘në wliüsü ‘gbe -nu -dede ‘wo- kē -kɔ sü ‘sëedhe yaya -nu, filmö yaya -nu ‘ö ‘wo “sinima waa- tele -nu ‘gü, ‘yö- “dhiü -yö dho ‘ö -ya -a -nu -gɔ ‘yiü- -dɔ -a -nu -bha -sü -bha, ‘yö ‘wo za dɔ wo -de -bha. Teatrö kē -me -nu ‘ö ‘wo -kē “yëng dɔ -më -nu ‘ka ‘ö ‘waa -tosea -së -zë kē -kɔ -ta bha -në -wa kē =deë wliü” ‘në -nu -bha “kplëë ‘ka. “Tan -kē ‘gü -kɔ -nu bha -në -wa kē -zuazëdhe -nu ‘ka =deë. ‘Më ‘kô ‘wo -zë ‘wo kē -kē -de -kun -së -sü bha- “kplëë ‘ka yi ‘bha ‘ka, ‘ö ‘wo gun ‘kpedhë =dhe Zosefu (Zenezö 39 ‘gü) waa- më “wëë ‘bha -nu ‘ö Atanna -ya -nu -zɔn kwa -dhe bha- -nu ‘dhö bha, më ‘gbe “tu ‘yaa wo -zë -a -nu “ta -kɔ bha- -bha =deë. Atanna -ya -pö kwa -dhe ö -wu ‘sëedhe ‘gü =dhe ‘kwa ‘dho -tosea kē- =nëng ‘gü. “Këë ‘kwa =dua -në- wo- -gɔ =dhe më =dua =mlëë -gɔ. -Yö -ben zë -sü ‘ka =dhe: «’Më ‘ö -kplü kwa Dëme -zë -bha kö weng =wa kē do Atanna -bha “dhi ‘gü =naa bha. (’Wɔn ‘ö- -wɔn ‘gü, ‘yö ‘a- pö =dhe më ‘yaa =mɔɔ- -bha kö -yö Klisi dɔɔ ‘sü kö -ya kē -zuadhe dɔɔ ‘ka bha ‘yö bha). -A -kē “dhü -sü bha- -wɔn ‘gü, -ka =dua -zua zë -sü -gɔ. -A ‘kɔɔ- -mü =dhe ‘wɔn yaa suu “pepe ‘ö më -ya -kē -zua zë -sü -zë zian ‘gü, ‘yaa zun më kwi -bha. “Këë më “vu më ‘ö ö -gen -da -zua zë -sü ‘gü, kö -yö ‘wɔn yaa kē sië ö -de -dhü =në- ‘ka bha. “Iin ‘kaa- ‘wɔn -në- dɔ =dhe ka kwi ‘gü -dhe bha Atanna -bha ‘Nii- “slüüslü ‘ö- nu ka -dhe ‘ö ka ‘gü bha- -yëa -në bha -ee? -A -kē “dhü -sü bha- ‘gü, -yö kē ka “yaan =dhe ‘kaa ka -de -gɔ.» (1 Kodhengtö 6:17-19). «Më “vu më ‘ö Atanna -bha ‘kɔ bha- =see, Atanna -dho -a -më ‘gü see- ‘pö, -a -gen -mü =dhe Atanna -bha ‘kɔ ‘ö- -yëa -bhäa -dhe ‘ka bha, pë “slüüslü -mü, -dhii ‘yaa -ya -a bha, ka yö -në- ‘ka, (‘ka “slüüslü ‘pö).» (1 Kodhengtö 3:17).

**3. -Bhɔ.** We ‘kpii- mü -sü -nu waa- pë ‘kpii- -bhö -sü -nu kö -yö më ‘kën -kɔ yaa kē bha -në- “blëë- ‘dhö -bhɔ ‘ka. Wü -dhiisü ‘ö pë =gban “pepe suu =në- -bhö, -a “tu ‘yaa- -a -kē -së -wɔn “iin -a -kē ‘ya- -wɔn -bha. -Kɔ ‘ö songyaame -nu ‘ö ‘waa

Atanna do, 'o 'won "pepe =gban =ne- -nu -zu su, 'o 'wo "dhi -da dhiang =gban "pepe =ne- suu 'gu, 'o 'wo 'seedhe suu =gban "pepe =ne- -nu -wu po, 'o 'wo pe "bleen- yaya =gban "pepe suu =ne- -nu -ga 'yo bha. 'Me 'wo "dhu bha me kwi 'o Atanna -ya -ke ko -yo ke o -dhoköguko =ne- 'ka bha, =wa wo -bha -dhii 'kun pebhee yaa- -nu -bhö -sü -nu, -tosea ke -ko yaa- 'o -ke -nu wo =dhe 'taa- mü -sü -nu 'dhö, "zang 'kun -sü -nu 'dhö, 'taa- "kpea mü -sü waa- me kwi see- -pe -nu =gban 'ka. Do 'o 'kwa- wo =dee, 'taa- mü -sü 'o gcon- waa- dhebho -nu -go, -a -moo 'ka 'yaa 'dhö 'zü. 'Me -nu 'o =wa -da "zang -go =dhuengdhe 'gu "dhu bha, Atanna -bha 'gügbudhe doseng =ne dho =moo- -bha ko -ya -nu dha -tosea suu bha- -go, ko -ya -nu bho Sotraan -go bhië" "dhiü. "Kee 'me 'ko =wa bo Atanna 'ka 'waa =moo- bha "iin 'waa "wt- -bha ko -wo 'taa- mü Atanna -dhoköguko 'gu. -A -nu -zu =ya -bö -dhe -a -nu -dhu -dede =ne Atanna -bha 'koodhe 'ka, 'yo 'waa 'taa mü.

-A -ke "dhu -sü -ya -nu 'gu =dhe -da Atanna "dhiü -sü =ne- 'dhö. -A -won 'gu 'waa =moo- -bha ko -wo wo kwi 'o Atanna "yaandhe -yaa =bhaa -dhe 'ka bha- -dhii 'kun =dhe -ko bha- 'dhö. -A -gen -mü =dhe -yo -ben ze -sü 'ka Atanna -go 'seedhe 'gu =dhe: «'Kaa- 'won =ne- do =dhe Atanna -bha 'Nii- "slüslü bha -yëë -yo ka 'gu -ee? "Iin 'zü =dhe me "vu me 'o Atanna -bha 'ko bha- wü (-a -dhii 'kun -sü 'ka), Atanna -dho -a me 'gu see- -ee?» (1 Kodhengtö 3:16-17; 4:18-19).

'Me 'o pe -bhö 'o 'yaa 'ken, 'o zuëyaame 'ka 'po bha, ke -ko suu 'o "dhu bha 'yaa -së Atanna wëedhö. Kwa pe =ne- -bhö ko 'kwa -tosea ke, 'kwii -tosea ke ko pe -bhö -sü -ze -yo ke kwa ke -yë -ze -a 'ka. 'Me 'o diin- 'dhö- -bha -ya me do -bhöpe -bhö ko -a 'gwü =ya do, "kee pe -bhö -dudu -ze 'yaa ke- -go "dhu, -ya -bhö =naa do 'o dho- 'ka, ko- "gblüdhe -ya po =ne- wo sië -dhe do =dhe: «-A 'bha nu, -a 'bha nu!»

Zuë" -bho pe -bha me bha, pe 'yaa- -zu 'kun tongtongdhö,

“iin ‘yaa ‘kën. ‘Ö Atanna -wu ‘sëedhe bha- zisü ‘gü, -yö -ben zë -sü ‘ka =dhe: «Pë -bhö -dudu waa- we mü -dudu -nu ‘wo ‘dhö, -wa -nu -zuö -gwë ‘ka kö -wo ga.» (Döteronómö 21:18-21). «-A -gen -mü =dhe we mü -dudu -nu waa- pë -bhö -dudu -nu ‘wo ‘dhö, -wo “flæ =në -da wo -de -bha, ‘yö -a -kë “dhü -sü bha ‘ö me -kë so “blë -da -me ‘ka.» (“Gwënnng ‘sëedhe 23:21). ‘Yö -ben zë -sü ‘ka ‘zü “Gwënnng ‘sëedhe do bha- ‘gü =dhe: «’Më ‘ö “tayɔɔ ‘dhö -kë -zuadhe “iin -zuagɔn =në- ‘ka, -yö ‘yiü- =në- dɔ ö dë -bha.» (“Gwënnng 28:7). -A ‘wɔn kë i “yaan =dhe =naɔme do ‘bha -yö -gun, ‘ö gun pë -bhö -dudu ‘ka, ‘ö gun -da -sü ‘ka zuë” -bhɔ pë -bha -sü -gɔ =dhuëngdhe ‘gü, “këe =dhe ‘ö ga ‘ö dho ‘ö -wo =geebɔɔ, ‘ö dho “kan ‘ö -ta kö -yö “siü ‘gü, kö “siü -ya -wëë -kë wo sië =dhe me -më -kë. =Ya ‘go mü ‘zü nëng waa- ‘wɔn yaa -nu ‘ö we ‘kpii- mü -sü -ya -ya me “dhiü, ‘waa pö -wɔn -zian ‘ka. Atanna -ya -pö kwa -dhe “puu ‘ka ö -wu ‘gü =dhe we mü -dudu ‘bha -bha ‘bha ‘yii ‘dho -da ö -bha -gblüädëdhekëdhe ‘gü tongtongdhö. ‘Më ‘wo -kë ‘pö we “dhiü- -nu -pë kë -më -nu ‘ka waa- ‘me ‘wo- “dhɔɔ dɔ -wo ‘wɔn -bhɔ ‘gü -me -nu ‘ka Atanna wëëdhö ‘pö. -A -gen -mü =dhe Atanna -wu -ya -pö =dhe: «’Më ‘wo wo faan dɔ we mü -sü -bha waa- ‘me -nu ‘ö ‘wo we “dhiüsü -nu -kaan “kwëë bha, -a -nu -bha -yö -wëësü.» (Ezai 5:22). ‘Yö -ya mü ‘zü ‘ö- pö: «’Më ‘ö we kpɔ ö “tëado -go, “iin bhi ‘ö ‘i puu” “dhi “gblëënu sië kö ‘i i “tëado zë we ‘ka bha, i -bha -yö -wëësü.» (Abakukö 2:15). «-Kɔɔta ‘dhö, kɔnnng ‘dhö, tang- ”iin ‘zü “truu -nu waa- we -nu bha =në ‘wo -a -nu -bha =niidadhe -nu ‘gü kun, “këe ‘waa -ya Atanna -bha yë kë -sü -zë -a -wɔn zɔɔn -tangga -zian -ta.» (Ezai 5:12). ‘Yö -ya mü ‘zü ‘ö- pö: «’Kaa- ‘wɔn =në- dɔ ‘kpakpadhö =dhe ‘wɔnyaakëme -nu ‘wii ‘dho -da Atanna -bha -gblüädëdhekëdhe ‘gü -ee? ‘Ka ‘dho ka -de -tama “wëewe: -A ‘wɔn -yö kë ka “yaan =dhe -zuazëme -nu oo, =geebɔ -dhokëme -nu oo, -ziö me nu -bha dhekegme “iin me -nu -bha gɔɔnkengme -nu oo, gɔɔn- -nu ‘wo wo ‘ko -nu kun “nɔbhɔ ‘ka oo, dhong “piü gbaɔ- -nu oo, =kwaanme -nu

oo, zuë” -bho =nac -bha -me -nu oo, we mü -dudu -nu oo, “dhidheyaame -nu oo, mezëme -nu bha ‘wii ‘dho -da Atanna -bha -gblüedhekëdhe ‘gü.» (1 Kodhengtö 6:9-10). ‘Wön yaa -nu ‘wo bha kwa -dho -a -nu yö ‘pö Gadhatö 5:19-21 ‘gü. -Wu bha =në- pö =dhe: «Me -de -dhidhewön -nu ‘ö ‘dhö ‘yaa =dheng. Yö -mü “yëngg dö -sü -nu oo, -zua zë -sü -nu oo, ‘wön “bhlubhlu -nu kë -sü -nu oo, =geebö -nu -dho kë -sü -nu oo, “zvodhe kë -sü -nu, ‘ko -san kë -sü -nu, “dhinaa ‘ma -sü -nu, =dröw kë -sü -nu, bhlöw -ma me ‘gü -sü ‘ö ‘wön =gban -wön =gban ‘gü, -duëe köw -sü -nu, zaodhe -da wo ‘ko ‘ka -sü -nu, ‘ko -nu -pe ‘gü -sü -nu, zuë” -bho pë -bha -sü -nu, we “gblügblü mü -sü -nu, waa- “gblüüdhe “gbeadhe kë -sü -nu, “iin ‘zü ‘wön -nu ‘wo bho -a ‘dhe -nu bha- -nu -bha bha- kë -sü -nu bha =në- ‘ka. ‘Ma- -blesü pö ‘nu ka -dhe, ‘yö ‘a- ‘bha pö sië ‘zü bha: A- -pö =dhe me “pepe ‘wo -tosea -kë -dhe -kö bha- ‘dhö bha, -a -nu ‘bha ‘wii ‘dho wo -duëe =slöw- Atanna -bha -gblüedhe bha- ‘gü.» (Gadhatö 5:21). -Yö -ben zë -sü ‘ka ‘zü =dhe: «‘Ka ‘dho- pö ‘ka we mü ‘ö ka kun! =Ya kë “dhü kö kaa kë ‘wönmakoomë -nu ‘ka. “Kee -kaa “slë möw- kö Atanna -bha ‘Nii- =në -yö ka pa.» (Efezö 5:18).

‘Me ‘ö “yi mü -dho =yaa- -nu ‘kun, -wu ‘ö Yesu -ya pö -a -nu -dhe, -kaa -ga ‘ö ya: «‘Me ‘ö “yi mü -dho =yaa- ‘kun, -yö nu n “piü kö -yö “yi mü! Me “pepe ‘ö “yi mü -dho ‘dhö ka -bha, -ka nu “yi -bhäa, me -zian ‘ö ‘wëëga ‘yaa ka -gö, me =gban, -ka nu! -Ka nu kö ‘ka we ‘dho kö ‘ka “nöw ‘dho, kö ‘ka ‘dho- söng nu-!» (Ezai 55:1). «Me “uv me ‘ö yaa “yi ‘ö maa- -nu -dhe bha- mü, “yi mü -dho ‘yii ‘dho- -me kë ‘zü tongtongdhö, -a -gen -mü =dhe “yi ‘ö maa- nu- -me -dhe bha, -yö -dho kë- “yigö ‘ka- -me ‘gü, ‘ö to ziö -sü -bha -a -me ‘gü “dhü, ‘ö dho ‘ö -da -a ‘ka -tosea ‘ö ‘yaa yën bha, -a këdhe ‘gü.» (Zan 4:14).

**4. Bhaö.** “Fieedhe =në- -zön ‘ka ‘dhö bhaö ‘ka. ‘Ö ‘wön ‘ö ‘i =möö- -bha ‘i- -kë =deë bha, ‘i- sü ‘i- dö dhia” -gö. ‘Gügadhe =në- -zön ‘ka ‘dhö bhaö ‘ka. ‘Yö “zvodhe kë -sü waa- bhaö ‘wo

pë do 'ka. "Zuëga "gloogloodhe 'ö bha, 'wonyaa 'ö go "zoudhe kë -sü 'gü yö -mü. -Yö -ben zë -sü 'ka Atanna -wu 'sëedhe 'gü =dhe: «"Fiaeme zuë" -bho -bha -wön -nu =në 'wo- -zë. -A -gen -mü =dhe -a -kõ -nu 'waa "wü- -bha kö 'wo yë kë, 'wön =gban kë -dho =në- -da -a -zu -bha yi =gban "pepe 'ka.» ("Gwënnng 'sëedhe 21:25-26). Yö =në- -wön 'gü, 'yö Zozue -ya pö Izraedhö -me -nu -dhe yi 'bha 'ka =dhe: «-A 'dhe 'ö -gban "segö bha- -nu =slöw -wön -bha bha, 'ka 'dho kë "fiee- -a -wön 'gü.» Mebhudhe -nu 'ö 'kwa 'dhö, kwa zuë" 'yaa bho 'wön 'ö -gban Atanna dö sü -bha bha- -bha. -A -wön 'gü pë -nu 'wo go Atanna "piü bha kwa "nuanua -a -nu =slöw -sü 'gü. Yö =në- -wön 'gü, 'yö Yesu -ya pö yi do 'ka =dhe: «-Ka ka 'gü dö "gbü- kö 'ka ka ziödhe yö (kö 'ka bö Atanna "piü), 'yaa yö -zë 'ka, a- -pö ka -dhe =dhe -yö -dho kë me 'gbe "piü =dhe 'wo bö- 'ka, "kee 'wii 'dho =möö- -bha, -a -gen -mü =dhe -kë Atanna -bha 'ka -dhe -yö 'ya-. -A -dhe -yö =dhe -da 'kõ 'ö- "dhi 'dhö "söwsöw -a 'gü -sü 'dhö. (Dhukö 13:24). 'Yö- pö: «Me "uu me 'ö pë =möö -ya -slöw.» 'Yö go mü 'ö- pö: «Atanna -bha -gblüedhekëdhe bha- -wön =ya kë =dhe -gblü =në- 'dhö, -a -kun "gbü- -me -nu =në 'wo- =slöw sië.» (Matiö 11:12).

"Fieedhe 'ö bha, -a 'dhe 'ö -gban kwa dhasü waa- kwa 'nii- bha -ya ö -de 'flëe- 'gü -sü -bha bha =në kwa 'gü =see. -A -gen -mü =dhe yö =në- -kë 'yö 'kwa =möö- -bha kö kwa bhea" Atanna -dhe, "iin kö 'kwa Atanna möw- -a möw- -kõ -dede 'ka, "iin kö 'kwa Atanna -bha "plüün -sengbö -nu 'ö- bho kwa -dhe bha- -nu 'sü kwa -bha 'ka, "kee 'yö 'gü see- -zian =në- bho kwa 'ka. -A 'klöw- -mü =dhe Atanna =ya dhiang zë i -dhe kö -ya -fee dö i 'ka =dhe 'i i -de nu ö -dhe =dee, 'yö Sotraan -ya pö i -dhe =dhe 'i- dö dhia" -gö, "iin -dhekpoyi -së bha 'yaa =loo, 'yö to- 'ka "dhü 'yö 'i ga, 'yö 'bhaa dhasü =slöw Klisi "gblüw "piü. "Kee Atanna -ya -pö =ni -maa: «-Ya kë =dhe 'ka ö -wu ma -dee 'ö =dee 'ka, 'ka 'to kö 'ka 'dhang- bho- "dhiü, 'ka 'dho -kegbaandhe kë-» (Eblö 3:7-8). 'Me 'wo ga -kõ bha- 'gü, 'ö

'wo -wɪ Atanna -wɔn -bha -sü dɔ yi "wee 'bha -gɔ, "kee 'ö- yi bha 'yaa =loo tongtongdhö -a -nu "dhi 'yaa dhongpë 'ka. "Tüng 'ö i -bha 'ka =në 'i dɔ- 'ka bha, dhia" -zë 'yaa i -bha 'ka.

Me 'bha -nu -wo kwa -bha me tii "se ya- 'gü -dhe 'bha 'gü mü, 'ö 'wo bhaɔ "kee =në- sü, 'yö 'wo woo- "zuvdhe -kë 'ka. Bhaɔ "kee 'ö 'kwa yö wü 'gbe kpö 'gü pë "blæen- ya -ta bha, -yö me -zu -bö 'wɔn yaa 'ö "zuvdhe kë -sü 'gü =në -ta. -Yö -kë -zu -yö "yinadhe kë -sü 'gü -sü 'ka, "iin "yinadë 'gü -sü 'ka, "iin -a -dhiang -së zë -sü 'ka, kö -zu -zë 'yii yö Zlan 'ö "yandhe 'ka bha- -dhe, kö 'yaa 'wɔn -së kë -sü 'ka. "Tüng 'kwa- 'ka "yua waa- 'wɔn "gbu- 'gü, 'ö kwa =kwæe- =gbaan =weng bha, Atanna -wu -ya -pö kwa -dhe =ya kë -dhe "yua 'dhö kwa kë sië, "iin 'wɔn "gbu- =ya nu kwa -ta, "iin 'ö =wa -da kwa -gɔ 'yaodhe =në- 'gü, "iin 'ö 'wo kwa =slɔɔpë -nu =në- 'sü sië kwa -gɔ faandhe -bha, -kwa Atanna "yaandhe 'ö =mɔɔ- -bha 'ö kwa -ta 'kun bha =në- mɔɔ-, 'kwa 'dho -a dɔ pia" -së "iin pia" yaa- gɔ. «-A -gen -mü =dhe Atanna =në 'me 'ö ö -zu yö ö -dhe, -a "ta -gen dɔ 'ko -bhiëë 'gü.» ("Tan 'sëedhe 37:23). «Atanna =në -zu -yö ö -dhe -me -gen -yæa -zɔn, -a -gen -mü =dhe -a "ta -kɔ -dho -ya -kë. 'Me 'ö "dhü bha =ya -pö, -yö wlüü" =në- wo 'yaa 'to ö "gbluv bha- 'gü.» «-A -gen -mü =dhe wlüü" -sü 'yii 'go 'yënn- -wo -zian, "iin -a -pö -zian, "iin 'zü 'yii 'go "tung -ta, Atanna =në me -kë wlüü" -me 'ka. Atanna 'ö bha, yö =në za -dɔ me -bha -me 'ka. Yö =në me 'bha -kë me =bhlëësü 'ka, 'yö me 'bha =bhlëë -pö.» ("Tan 'sëedhe 75:7-8). Atanna -yö -dhioo dɔ 'bha -dɔ Izraædhö -me -nu -ta yi 'bha 'ka 'ö- pö: «Me "vu me 'ö ö gbö "iin ö 'dhu -ziö peng 'gü, "iin -debɔme, "susëngga -dhokëme, "zuvumi, "yinadë, 'wɔn 'ö -dhekpæɔdhia 'gü -a dhiangzëme, "iin 'me 'ö dhiang zë 'me 'ö =wa ga -a -nu 'ka, 'wa 'dho kë ka kpö 'gü tongtongdhö. -A -gen -mü =dhe 'me 'ö 'wɔn suu bha- -kë -a -dho 'yaa Atanna kë.» (Döteronɔmö 18:10-12). 'Yö -ben zë -sü 'ka 'zü -Dhekpæɔ dhia" 'sëedhe 'gü -dhe: «Me "pepe 'dhe 'kö 'wo 'wɔn yaa -yënn- -nu -nu



'ka, 'ö 'wo "zuudhekême -nu 'ka, 'ö 'wo "yënnngdômë -nu 'ka, 'ö 'wo mezême -nu 'ka, "iin 'wo =geebö -dhökême -nu 'ka waa-me "pepe 'dhe 'kö 'wo -tosea -kë =sua 'ka, -a -nu këwôn -nu waa- -nu zë -dhiang -nu 'gü, -a me do -zian 'yii 'dho -da 'pö-bha- 'gü!» (Dhia" 22:15). -Ka =dua me "pepe 'wo dhiang zë 'me -nu 'ö =wa ga, waa- =debômë -nu 'ka bha- -nu -gö, 'ka 'dho ka wë -ya -a -nu -ta tongtongdhö, kë "dhü 'ö 'ka -da -a -nu "piü 'ö 'ka -da Atanna "dhiü. Ma =në 'a ka -bha Atanna 'ka.» (Dhevitikö 19:31). «=Ya kë =dhe =waa- pö ka -dhe =dhe 'ka 'dho me =gee dheekpômë -nu "piü, "iin -debômë -nu "piü, ("iin -dhe -bha -ga -sü -nu), "iin me -nu 'ö 'wo wo -fvu "dhiü =loo sië bha- -nu "piü, kö 'wôn 'ö ka -bha -wa pö ka -dhe, -kaa -yö bö, 'ka- pö: «'Me 'ö "gblüdhe 'dhö "mung bho -sü 'ka, -a -dhe 'yaa- -bha 'poo kö -yö 'ö bha Atanna dheë" kpö -ee? -Taan -wo 'me =wa ga -a -nu dheë" 'kpö 'me 'wo "yaan -a -nu -wôn 'ka -ee? -A -bha 'tong- -nu waa- -bha -gbekëedhe -nu -wôn 'ka -ee? 'Me 'yii -wu 'dhe 'kö bha- pö, 'yii 'dho -dhekpao dhia" yö-.» (Ezai 8:19-20). =Ya kë =dhe kö 'wii dhiang zë =dhe -kö bha- 'dhö, -dhepuudhe 'bha 'yii 'dho kë- -nu -bha 'ka.

"Tüng -dede 'ö 'i "sëedhe 'në seennë ya- -wu pö sië- 'ka bha, kö Atanna -yö dhiang =në- zë sië i -dhe bha, kë "dhü kö 'i bo i kë -söng yaa- -nu 'ka, kö 'i dha, "kee 'bha mü "dhü, bhaö "yina 'ö i zuë" 'gü bha -ya pö sië i -dhe =dhe 'i -wü Atanna -wôn -bha -sü do dhia" -gö, 'yö 'ö i zuë" pa "suü 'ka 'yö 'i- pö: «=Ya kë "dhü, n "piüme -nu -wo -dho -a pö n -dhe =dhe? "Iin n "taongdë -nu waa- me 'ö 'wii 'dhang- bho Atanna "dhiü, -wo -dho -a pö n -dhe =dhe kö 'ma n =taa -ya 'wôn yaa -gö kö 'a slëë Atanna "piü?" =Ya kë =dhe 'ma n -kö bho "tan kë -sü waa- zuëniida -pë -nu 'wo "kpungtaadhe 'gü ya- -nu 'gü, -më 'ö dho kë n -dhe? "Iin -më 'a dho- =slöö-? 'Yö =ya kë "dhü, 'yö 'bhaa i -zü 'gôn 'wôn -sengbö -nu 'ö 'me 'ö =ya 'ö zuë" slëë Atanna "piü, 'ö -kë =dhe bha -ta: =Nao 'ö =slöö Yesu Klisi 'saa- 'gü waa- -a -bha zuëniidadhe 'ö- -möö 'ka 'yaa 'dhö, -a -bha

zuë” -ya “gblüü- waa- ‘tɔbhɔdhe, “iin -a -bha -sii ‘ö ‘yaa yën ‘ö pa -sü ‘ka pë -së =gban suu ‘ka bha, ‘bhaa yö -zë -a -nu -ga. ‘Yö pë -nu ‘ö ‘i dho -a -nu ‘to- “kpungtaa yö, ‘ö- dhe ‘dhö- -bha =dhe Klisi =ya -da i -bha -tosea ‘gü ‘i i -kɔ “kan “dhiü bha =në ‘i “yan -yö bhɔ- -nu “piü, ‘yö ‘i -kë -suü me ‘bhu- -nu waa- ga -nu -gɔ -me ‘ka, ‘yö ‘i -da ‘ka Sɔtraan -gɔ =dhuëndhe ‘gü. “Kɛɛ kö -yö -ben zë -sü ‘ka Atanna -wu ‘sëédhe ‘gü =dhe Yesu Klisi -ya -kë “dhü kö me “pɛpɛ ‘ö ‘wo -suü ga -gɔ -me -nu ‘ka ‘ö =wa gun =wa kë -a -bha =dhuëng ‘ka bha, ‘ö- -nu dha. (Eblö 2:14- 15). “Yina ‘ö i -tama sië ‘ö- pö i -dhe =dhe ‘i i bha -wu Atanna -wɔn -bha -sü dɔ dhia” -gɔ -kpɛawo bha, -yö i zuë” =në- kë sië “glɔɔglɔɔ bha. -Yö -dho ‘to- ‘ka “dhü ‘ö i zuë” -yö -kë “gblüügblü ‘ka =dhe bhaɔ “kɛɛ ‘dhö.

**5. Gwee.** Gwee ‘ö bha wü “dhiü- ‘ö- -mawɔn ‘dhö ‘ya-, ‘ö- -bha -mawɔnyaadhe ‘bha -nu ‘wo -kë -sanmekë ‘dhö, zuëd- hiüdhe waa- =dɛɛ ‘yaa n -ta -së -nu ‘ka bha =në- -nu -zɔn ‘ka ‘dhö bha. =Sɔng -nu bha =në =ya kë ‘yö -a -nu -kɔ -yö -ziö me “bhu- -nu -bha -tosea -gɔ, ‘yö -ya kë -nu wo ‘yö- ”dhiü -yö dho ‘ö -ya me -nu zë -sü -bha. Me -mɔɔ -bha ‘ö me -yö faan -wɔ me -de -ta =dɛɛ ‘yaa n -ta -së bha, -a -kun me -bha -sü, kö me -kɔ -yö =mɔɔ- -bha bha- ‘ka “tüng ‘bha -nu ‘gü, “kɛɛ -a “dhiü -ya -dhe -mü -a -ziö me -kɔ -ta -sü ‘ka -dhekpɔɔyi do ‘ka kö ‘wɔn ‘yaa kë -wɔn ‘ka me -ya kë. -A -wɔn ‘gü, -yö -së i -bha ‘ka kö ‘i- dɔ =dhe i zuë” -yö -kɔ bha- ‘gü, kö ‘i bhea” Yesu -dhe kö -yö i dha zuëga yaa bha- -gɔ. -Yö -ben zë -sü ‘ka Atanna -wu ‘sëédhe ‘gü =dhe: «Dɔ ‘dhe ‘kwa- wo =taamasü ya- ‘gü ya, ‘yaa -së kö ‘wɔn -yö -siö i -dhe.» (Zenezö 45:5). ‘Yö -ben zë -sü ‘ka ‘zü =dhe: «Bhö i kwaa- zuëdhiüdhe -zü kö bhɔɔ ‘ya ‘dho ‘ma i ‘gü, kö ‘wɔn ‘ya ‘dho -siö i -dhe, -a -gen -mü =dhe ‘bha- kë “dhü kö ‘bha ‘wɔn yaa kë.» (“Tan ‘sëédhe 37:8). -Yö -ben zë -sü ‘ka ‘zü =dhe: «Bhlɔɔ ‘ö bha pë yaa -mü, ‘yö “dhiüdhe bha -dɔ -a “tɛédhiüme ‘yaa kë, =dɔɔ =de ‘pö dee’ dho =mɔɔ- -bha ‘ö dɔ- “tɛɛ “dhiü?» (“Gwënnɔ ‘sëédhe 27:4).

‘Yö -ben zë -sü ‘ka ‘zü -dhe: «’Wɔn -siö i -dhe -dhe ‘ya ‘dho kë -së, -a -gen -mü =dhe ‘me ‘ö “yaaki ‘yaa -a -nu -bha =në- ‘wɔn -yö -siö -a -nu -dhe =dhe -kɔ bha- ‘dhö.» (Eklestasjö 7:9). ‘Yö-pö -sü ‘ka ‘zü =dhe: «”Kee do ‘ö ‘kwa- wo =taamasü ya- ‘gü ya, -ka ka bo ‘wɔn suu bha- =gban “pepe kë -sü ‘ka. Zuëdhiüdhe oo, bhloɔ -ma me ‘gü -sü -nu waa- ”gblüyaadhe -nu bha, -ka ka kwaa- -nu -zü. -Kaa kë -së kö ‘pë ‘ö -gban “si bho -sü -bha, “iin me -dhiang yaa zë -sü -bha, kö ‘ya ‘dho -wo ka “dhi -ta me ‘bha -dhe tongtongdhö.» (Kodhɔsö 3:8).

Me ‘gbe -wo -dhö ‘ö ‘wɔn =ya -siö -a -nu -dhe, ‘ö ‘wo we =në-mü kö wo zuë” -yö ‘dho “sia-, “iin ‘zü kö ‘wo wo bhloɔ =në-bho gbonggbongdhö, “kee -yö -ben zë -sü ‘ka =dhe: «-A -nu -bha we ‘ö ‘wo- mü “dhü bha -yö -kë -a -nu -gɔ =dhe =mlëe bhaa =në- ‘dhö, ‘yö -kë -a -nu -gɔ mezëpë ‘ka.» (Döteronomö 32:33). Me -de bhloɔ bho -sü bha -yö ‘wɔnyaakëme -nu -zë -a -nu ‘gü ‘wɔn -së ‘ka, “kee Atanna -ya -pö =dhe yöö doseng =në ‘ö kwa bhloɔbhome ‘ka. Yesu -ya -pö: «I “teëdo -dhö -yö i kë =dhe i -de -dhɔ ‘dhö i -kë -kɔ ‘ö- ‘gü bha- ‘dhö. Ka ‘yaa- -nu -dhɔ -yö ka kë.» ‘Wɔn ‘ö Atanna -ya pö kwa -dhe yö -mü =dhe =ya kë =dhe ‘kwa ‘me ‘ö -da kwa “dhiü -a -mawɔn ‘to, ö -dho kwa -mawɔn ‘to ‘pö.» Me “uu me ‘ö ‘wɔn to ö zuë” “piü, ‘ö -ya mü ‘ö -dɔn bho, -a -me -dhɔ ‘yaa Atanna kë. -Zu ‘gɔn -kɔ yaa -nu ‘ö -gblü -da waa- me =yɔɔn =wennng -sü -nu bha, -yö mebhüdhe wɔ -kɔ ‘ka. “Kee Atanna yöö do =në =mɔɔ -bha ‘ö zuëwaanüsü -dede ‘ö ‘yaa yën -a nu kwa -dhe, ‘kwa- “piü =dhe ‘ya ‘dho yën-, -a =gban -mü kwa ‘ka.

**6. =Mlëe.** =Mlëe ‘ö bha =në “kpënnng- -kë Èvë -gɔ yi ‘bha ‘ka “dhüdhengdhe ‘wo- -dhe Eden bha- ‘gü, ‘yö -mlëe “nëeneë ‘ö gun Èvë waa- Atanna -nu =zinng ‘gü bha- -kan. Sotraan =në gun Atanna -bha “kië ‘ka, “kee =dhe ‘ö -da Atanna “dhiü, ‘yö Atanna -ya “piü -kë dhang- ‘gü, =dhe ‘ö Sotraan ‘dhö ‘wɔn =sloɔ- ‘gü =dhe Atanna waa- Adan waa- Èvë -a -nu -bha -mlëe ‘yi “kan sië, ‘yö =drɔɔ -ya pa. -A -gen =mü =dhe, -a zübhösü

'ka, Atanna waa- Sotraan =në- -nu -bha -mlee "yi 'ö gun "kan sië. =Dhe =drɔɔ yaa 'ö Sotraan pa, 'yö- pö yöö siü" Adan waa- Evë -nu 'gü, 'yö -da -nu gɔɔ. 'Yö 'wo wo =taa yö Atanna gɔ.

=Drɔɔ yaa suu 'ö go Sotraan 'gü "dhü bha waa- zuë" -bho pë -bha -sü -nu -wa -da me 'gbe =në- -nu zuë" 'gü =deë, 'yö =wa wo "teabo -nu yö kö -wo -ya sië -dueë -së 'gü, "iin kö -a -nu -nii -yö -da sië, 'yö -siö -nu -dhe. "Kee kö -yö -ben zë -sü 'ka Atanna -wu 'sëedhe 'gü =dhe: «=Drɔɔ -yö =dhe ga 'dhö, -a -bha 'gügbudhe 'ö bha -ya -da 'me 'ö- 'gü, -dɔɔpë 'bhaa kë.» ("Tan -nu -bha "Tan 8:6). =Drɔɔ 'ö bha =në -zvgondhe yaa -da me -zu "piü me "teedo -bha, 'yö me -nu -bha 'wɔn -së 'gü =see- 'ka. -Yö -mɔɔ -bha 'ö- -kë 'ö me -yö me -zian zë. Kwa -mɔɔ -bha 'kwa 'wɔn -zɔn 'ka -sü gɔɔn- waa- ö bha dhebho -bha 'kɔ "dhi -nu 'gü. =Drɔɔ 'ö bha, yö =në saan" 'gbe 'dhö, me -san kë -sü waa- =ma 'wɔn 'gbe -nu 'wo "kpungtaa =deë bha -a -nu -gɔɔgodhe 'ka. Me -zian 'wo Atanna -bha yëkëme -nu 'ka: Atanna -wɔpöme 'sëennë -nu, -a me "gblügbü -nu bha, -a me 'bha -nu -wo -mɔɔ -bha 'wo -pö 'wɔn yaa suu 'ö- =drɔɔ 'dhö -mü bha- 'gü, kö 'wii- kë wo 'suan- 'ka. -A -gen -mü =dhe -a -nu yëkëyɔɔ 'ö 'dhö kö Atanna -bha yë -yö dhi -a -kɔ -bha kö -yö ziö- 'ka -a -nu -bha -ta, =drɔɔ -mɔɔ -bha 'ö -da -a -nu 'gü, -a -nu "teedo bha- -bha. 'Wɔn 'ö- -wɔn 'gü, 'yö- -dhe 'dhö- -bha -dhe -wo bhea" Atanna -dhe yi =gban 'ka kö -ya -nu gba "yaaki 'ka bha 'yö bha. Kë "dhü kö -wo kë pa -sü 'ka "yaaki 'ka. Yö =në -ya kë "dhü -naa 'yö Atanna -bha yë 'wo- kë sië bha, 'yö Sotraan -bha -zuu 'ö -kë =drɔɔ 'ka bha 'yaa 'ma- -nu 'gü -a -nu "teedo 'ö Atanna 'dhö bɔ- -ta, kö -ya -bha yë kë -yö ziö- 'ka wo -zë -a -nu -ta bha -a -bha.

7. "Drɔɔ. "Drɔɔ 'ö bha -yö 'baa =në- -bhö, "kee -ya -zɔn -dhe ya- 'gü =dhe pë 'yaa ö -zu 'kun. -Yö -ben zë -sü 'ka Atanna -wu 'sëedhe 'gü =dhe: «=Naa -dho yaa 'gü yaa bha =në 'wɔn yaa =gban "pepe suu do do -gengodhe 'ka.» (1 Timote 6:10a). 'Ö Kɔnggo -se 'gü, "drɔɔ suu 'bha -nu -wo mü 'ö =wa zun zrëennë

-nu, "iin -kpaan -nu -bhö -sü -bha 'ö 'waa 'kën, kö -wa -bhö sië "dhü do 'wo dho- 'ka 'ö -a -nu 'gwü -yö 'wü 'ö 'wo ga. 'Me 'ö pë 'yaa- -nu -zu 'kun bha 'waa "wt- -bha tongtongdhö kö -wo wo -ko "pu, kö -wo "fleeme -nu "iin -wëeme -nu -ta 'kun, -a "slë =në 'wo- mɔɔ -ko =gban "pepe suu 'gü, -yö -kë -së -ee, -yö -kë 'ya- ee, "këe kö 'wo =naɔ =në- slɔɔ doseng 'wo 'dho- 'ka. "Këe kö Atanna -wu -ya -pö =dhe =naɔ 'ö "kpong ya- =taa bha "kaɔ -dho -a =gban -bhö, 'ö -kë -a 'gü see- -sü 'ka. Yesu yöö -dede -yö dhiang -zë 'ö- pö: «'Ka 'dho kaa- =naɔ -nu -duee bho- "kpongtaadhe 'ö pëseepë waa- "kaɔ -nu 'wo- -bha, 'ö =kwaanme -nu 'wo 'kpong- -nu wü faandhe -bha, 'wo pë =kwaan- -bha ya- 'gü. "Këe -ka ka -bha =naɔ -nu -duee bho dhang- 'gü -dhe, 'ö pëseepë waa- "kaɔ -nu 'waa- -bha, "iin 'ö =kwaanme -nu 'waa 'kpong- 'wü- -bha kö -wo pë =kwaan bha =në- 'gü, -a -gen -mü -dhe -dhe 'ö i -bha =naɔ 'dhö- -bha, 'yö i zuë" 'dhö -kë -bha 'pö.» (Matiö 6:19-21). 'Me 'ö Atanna -wu 'sëedhe -ya -dhiang zë 'ö 'wo- Akan -kë bha 'pë 'ö waa- -bha 'kɔɔme -nu =gban -nu -gɔ -yö to- -bha, 'ö -a -nu 'gü -yö =see bha, 'yö gun "sënnng -nu, 'wëe- -nu, -gwë =bhlëësü -nu waa- sɔ =bhlëësü -nu =në- -nu 'ka (Zozue 7). Zuda Isikadhio 'ö -kë Yesu -bha =klang "dhiü 'në do 'ka bha, -a -bha 'ö -de zë 'ö- wo yi 'bha 'ka bha- 'klɔɔ- -mü =dhe 'ö gun "dhü kö -yaa zë =naɔ -wɔn -dhe kö =ya -da 'ö Dëme, 'ö -Gɔme -dhe pë "piü. Kö -yö kë =dhe "sënnng waa- 'wëe- =në 'wo pë yaa 'ka 'yaa -mü, "këe -a -dho yaa 'gü yaa bha =në me -da 'wɔn yaa 'gü. Me suu 'gbe -ta -gbe -dede -nu 'wo -kë gɔɔn- waa- dhebho -nu 'ka =në 'wo woo- -tosea 'ma sië "yi =bhaa =naɔ -dho 'ko -sɔn. -A -gen -mü =dhe -ya -nu "piü =dhe 'wo =naɔ =në- =slɔɔ do kö 'wo 'dho- 'ka, "këe kö 'wo- 'wëe- "iin =naɔ "gblüglü =slɔɔ -dhe do 'gü, 'yö 'wo- zë- -wɔn -dhe 'yö -a mɔɔ- -ko yaa 'ö -ko 'ö- 'gü 'do 'do, 'yö 'wo- =mɔɔ- 'ka. =Naɔ mɔɔ- -sü kö -wa =slɔɔ kö me 'yii saan" 'bha wo bha =në me -da me zë -sü "iin me -bha 'ö -de zë -sü -nu 'gü. 'Wëe- -dho 'dhö, me zuë" -dɔ -a -bha -sü yaa 'gü yaa

'dhö, "töbhödhe mɔw- sü 'dhö waa- to -a "gbu- 'ka -sü 'ö  
 'wɔn -nu =gban "pepe 'gü -ya -a -fetasü 'dhö, -a -nu -gban  
 "pepe -wo pë do =në- 'ka. -Yö -kë 'gügbudhe 'ö 'wo- =mɔw kö  
 -wo -ya 'ka me -gɔ "dhiü -a 'ka oo, -yö -kë -a 'dhe 'wo- =mɔw  
 =nao mɔw- sü 'ka kö -wo 'wɔn wɔ- 'ka -wëeme -nu -ta -a 'ka  
 oo, "iin -yö -kë -zian wo -a 'dhe 'wo- =mɔw Atanna -bha me  
 -nu kpö 'gü, 'ö me 'bha -nu -kë "wɔwɔsü Atanna -wɔn 'gü 'ö  
 -ziö 'ka me 'bha -nu -ta, kë "dhü kö 'wo 'to me -nu "yan 'gü,  
 'ö 'me 'wo "dhü bha 'wo me -kpea zë "dhi, "iin 'ö 'wo -a -nu  
 -ga -dhe 'me 'waa Atanna -wɔn "gbluv -zian -ta -në- 'dhö, "iin  
 -dhe 'ö -kë =dhe me 'dhe 'kö 'wo bha 'waa -kplü -sü 'ka  
 Atanna -bha me kpö -nu 'ö 'wo "slüüslü bha- 'bha -bha 'bha  
 -bha bha =në- 'yaa -së. (Makö 9:38.) -A -gen -mü =dhe Yesu  
 -yö dhiang -zë yi do 'ka 'ö- pö: «Ka ka -de 'kun -së =nao -dho  
 -bha ka kë -sü yaa 'gü yaa bha- -gɔ. 'Ka 'dho 'to -kplü -sü 'ka  
 =nao -bha. -A -gen -mü =dhe 'kö 'zü =nao =ya kë 'me 'ö- gɔ -kɔ  
 "uv -kɔ 'ö- 'gü, "këe -a -me -bha -tosea kë -sü -zë -a -gen 'yaa  
 -gban =nao -bha -kë -a -gɔ -sü -bha.» (Dhukö 12:15) «Naome  
 'kpii- do 'bha =në gun yi 'bha 'ka, 'yö 'ke- 'kpii- kë -kwe 'bha  
 bha- -ta, 'yö 'ke- -yö -dhi -a -gɔ -dedewo -kwe bha- -ta. Tapë  
 -dhi -a -gɔ -kɔ yaa 'ö -kwe bha- 'ka bha- -wɔn 'gü, 'yö -ya ö  
 -zu 'gɔn -sü -bha 'ö- pö: -Bhöpë 'ö "sinma 'dhö ya- =loo -dhe  
 -yö 'me? Maa- kë -kɔ kë -dhe? 'Yö ö -zu gɔn "senngdhö 'yö-  
 pö: "Ën 'hëen-! 'Pë 'ö maa- kë 'ma- dɔ. Ma -bhöpë -loo 'gü  
 -kɔ -nu 'ö =wa kë 'sëennë bha =në maa- -nu 'wü kö 'a- -dee -nu  
 dɔ kö 'a ma tapë -nu -loo- -nu 'gü, waa- n =slɔɔpë -kpea 'dhö.  
 =Ya kë =dhe 'ma n bo, 'kö 'a- pö n -de -dhe -kwe =ya dhi,  
 -bhöpë =ya ziö n -ta, 'mii 'dho 'ke- kë- -kwe kpö 'ka, maa n  
 "tëe pa kö 'a pë -bhö kö 'a pë mü kö 'a n 'flëe- bho. "Këe 'yö  
 Atanna -ya pö- -dhe: A, slaame, gbeng do 'ö =dëe ya, a -dho i  
 'nii- 'kun- 'gü, kö =nao bha 'me 'ö yöö ö 'flëe- bho- 'gü 'i- -me  
 pö. 'Wɔn do bha -yö "dhü 'pö 'me 'ö =nao =mɔw 'ö -gɔ "piü  
 "kpong ya- =taa 'ö- dung dɔ 'ö 'yaa ö -zu 'gɔn 'ö -dhekpao  
 dhia" 'ö Atanna wëedhö -a 'ka -a -bha 'ka.» (Dhukö 12:16-21).

‘Yö -ben zë -sü ‘ka ‘zü Atanna -bha ‘sëédhe ‘gü -dhe ‘bha ‘gü mü =dhe: «’Kö ‘zü mebhudhe =ya =nao “pepe ö “kpong ya-taa -a =gban =sɔɔ, “kɛɛ kö- ‘nii- -zë -yö =dheng, ‘dhang- ‘ö ‘yii- bho n “dhiü bha- -wɔn ‘gü, kö- -tosea kē -gen =nē kē -kē -mē ‘ka? » (Makö 8:36).’Wɔn ‘ö- -wɔn ‘gü ‘yö Yesu -ya pö- -nu -dhe: «’Ka ‘dho -ya kaa- -tosea -wɔn zuën -ta bha ‘yö bha. Kaa- -bhöpewɔn -nu oo, ka -dasɔ -wɔn -nu oo, ‘ka ‘dho -ya -a ‘bha -wɔn zuën -ta. -A -gen -mü =dhe me ‘nii- -zë -wɔn -yö “gbu- ‘ö -ziö -bhöpē -wɔn -ta, ‘yö me kwi =de ‘pö- -wɔn ‘dhö “gbu- ‘ö -ziö sɔ -wɔn -ta.» ‘Yö Yesu -ya pö: «-A pö ‘a- wo “dhü bha- ‘klɔɔ- -mü =dhe ‘me ‘waa Atanna dɔ =nē ‘wo -ya ‘wɔn -dhe -nu bha- -nu zuën -ta, “kɛɛ ka -zë ka Dē ‘ö -ya -sü ‘ka dhang- ‘gü bha, -ya -naa -dɔ =dhe ka -mawɔn -ya -nu -bha. Ka -zë -ka Atanna -bha -gblüädhekédhe ‘ö dhang- ‘gü bha =nē- mɔɔ- =kö -blɛsü kö yö -zë -ya ‘dhe -nu bha- -nu kē ka taa ‘ka. -A -gen -mü =dhe -dhe ‘ö me -bha =nao ‘dhö- -bha, ‘yö me zuë” ‘dhö -kē -a -bha.» (Dhukö 12:22,23,31,34).

**8. Sɔtraan.** Sɔtraan bha =nē =suakēme -nu =gban dē ‘ka, yö =nē =sua suu =gban “pepe -gengodhe ‘ka, ‘sëédhe ya- ‘gü bha, yö =nē ‘wɔn yaa =gban -gengodhe ‘ka. Yö =nē ‘ö -ya me zuë” ‘gü ‘yö sɔ- -ta. ‘Wɔn ‘ö- -wɔn ‘gü, ‘yö Yesu -ya pö =dhe: «Ka dē ‘ö ‘dhö yö -mü Sɔtraan =nē- ‘ka, yö =nē- -wɔn ‘gü ‘yö ‘ka- “piü =dhe ‘ka yö =nē- -dhidhewɔn kē, “kɛɛ kö yö -zë mezēme -mü ‘ö- zü bho “kpongtaadhe zü bho “tüng ‘gü, ‘yaa teanwɔn pö tongtongdhö, -a -gen -mü =dhe teanwɔn pö zuëga ‘yaa- ‘gü. =Ya =sua kē, kö pē -dede ‘ö- ‘ka ‘yö- -zɔn bha, -a -gen -mü =dhe =suakēme -mü, ‘yii =sua kē -a =nii ‘yaa -da, yö =nē =sua suu -da.» (Zan 8:44). =Sua seennē ‘yaa ‘dhö, -a =gban suu -yö do, =sua ‘bha -nu -wo mü ‘ö =waa- pö ‘ö ‘wo- -nu -ben =nē- -nu zë, ‘ö ‘wo- ‘bha -nu -kē wo “dhi “weewe. -Kpa me -nu -dhe ‘gwü -ta -me bha =suakēme -mü. -A -gen -mü =dhe -yö ö -de -sü =dhe -Zlan suu ‘bha ‘ö ‘yaa =sua kē =nē- ‘dhö. -Bhea Atanna -dhe -me -zë ‘yaa -sē kö -yö =sua kē. -A -gen -mü =dhe

-yö -ben zë -sü 'ka -dhe: «Ya kë -dhe 'kwa- pö kwa -de -dhe -dhe kwaa- Atanna -nu kwa -kɔ -yö 'ko -kweng-, “kɛɛ kö pö -yö kwa këwɔn -nu -zë -a -nu -bha -kpeawo, kö -sua -në 'kwa- -kë, kö 'kwaa tean- -zian -ta tongtongdhö...» (1 Zan 1:6). -Yö -ben zë -sü 'ka 'zü -dhe: «Me “pepe 'dhe 'kö 'wo 'wɔn yaa -yënnngsü -nu këme -nu 'ka, 'ö 'wo “zuvdhekëme -nu 'ka, 'ö 'wo “yënnngdɔme -nu 'ka, 'ö 'wo mezëme -nu 'ka, “iin 'ö 'wo -geebo -dhokëme -nu 'ka waa- me “pepe 'dhe 'kö 'wo -tosea -kë -sua kë -sü 'ka -a -nu këwɔn -nu waa- -nu zë -dhiang -nu 'gü bha, -a me do zian 'yii 'dho -da Zedhizadhemo -pö 'ö dhang- 'gü bha- 'gü!» (Dhia’ ‘sëedhe 22:15). Pë “sacple 'ö- -san 'dhö Atanna -kë bha, -suakëme -nu -wa -bhiëë 'gü, waa- “sëedhe -kë -sua 'ka -me -nu 'dhö. (“Gwënnng ‘sëedhe 6:16-19).

**9. “Susëngga.** “Susëngga 'ö bha me zuëga 'ö me 'gü, 'ö bha- pö bhii 'wɔn yaa kë 'ö- pö i -dhe -dhe 'waa- kë “dhü bha -në bha. -Yö me -gban “pepe suu 'gü, 'ö pë “blæen- 'dhe 'ö ya- 'gü bha, -yö kë -sü 'ka tii -dhiidhii -sü 'ka, 'yaa “yaandhe 'ka. Me -yaa- -ga “senngdhö, -yö -dhe -zianwo -dhe 'pë -ya yi -në- zë 'wɔn yaa 'ö- dëme -ya -kë ö -de “yaan -kpeawo “dhiü ziö- -ta 'ka bha- -wɔn 'gü. -Ya kë -dhe me 'ö- “yan -ya 'wü -në- 'dhö, 'yaa -mɔɔ- -bha 'zü kö -yö za dɔ ö -de këwɔn yaa -nu -zian -bha. Zuëga 'ö bha, yi 'bha -nu 'ka 'yö -kë -zɔɔnzɔɔnsü “iin “bhluubhluu. -Dhe 'ö za -ya me -bha -dhe 'ka, 'yö -a to, 'yö -dhe 'dhe 'ö- -mawɔn 'to -dhe 'ka bha 'yö za -ya -a -bha. Atanna -bha 'Nii- -ya pö -dhe: «”Tüng -totaamasü 'gü, me 'bha- -nu -dho wo -ta -ya Atanna -gɔ, 'wo wo bo -zu -yö -a -dhe -sü 'ka, 'wo dho “yina yaa -nu 'wo “kpënnng- -në- -kë me -nu -gɔ, 'wo- -nu wɔ bho Atanna -ta bha- -nu -keng-, 'yö 'wo 'dhang- bho- -nu -wu “dhiü. 'Yö 'wo -kplü “yina yaa -nu 'ö 'wo “kpënnng- -kë me -gɔ bha- -bha waa- Atanna -dho -kë -flü 'ka -sü -nu 'wo go “yina -nu “piü bha- -bha. -A -gen -mü -dhe me 'wo dho- -nu -klang kë- 'wɔn -nu bha- -nu 'ka bha, -wo -dho kë 'me 'ö “yina yaa -në -wu kpɔ- -nu -bha 'ka, -kpa me



-nu -dhe 'gwü -ta -me -nu 'ö 'wo -sua =në- -kë =në- -nu 'ka, kö -nu zuëga 'yaa za dɔ- -nu -bha 'zü.» (1 Timote 4:1-2). -Yö -ben zë -sü 'ka -Zlan -wu 'sëedhe 'gü =dhe: «=Dhe 'ö "dhü, -ka -kwa =yɔɔn Atanna "sɔɔ kwa zuë" =gban 'ka, kö "sika 'ya 'dho kë kwa 'gü -zu -yö -a -dhe -sü 'gü, kö 'kwa 'wɔn "pepe 'ö kwa zuë" -yö =mɔɔ- -bha 'ö za dɔ kwa -bha -a 'gü bha, -a bho kwa -bha.» (Eblö 10:22).

**10. Atanna "yanga.** "Yanga 'ö -ya pë "bleen- bha- 'gü bha, Atanna "yan -mü. -Yö -dhe -yö me zuëpiüdhe =gban -dhe =gban 'gü, 'wɔn suu "uu suu 'bha 'yaa -bin -a -gɔ. Yö =në- -wɔn 'gü, 'yö me -zugɔnkawɔn =gban "pepe suu 'ö -bin -dhe 'gü -a yö, 'yö me zuëpiüwɔn =gban dɔ. (Pë "bleen- ya- 'gü, "yanga 'ö bha -yö -dhe 'zü =dhe me 'wëedhe =në- 'dhö.)

**11. "Siü 'nɛɛ-** "Siü 'nɛɛ- 'sɛennë -nu 'wo =loo me zuëga "bleen- bha- -züzü bha, Atanna -bha 'wɔnyaakëme -dho 'ö- kë bha -a "bleen- =në bha. 'Wɔn yaa -san -yö Atanna -kë, "kɛɛ 'yö 'wɔnyaakëme -zë -a -dho 'dhö- -kë. 'Yaa- "piü =dhe me 'bha -me 'bha 'gü -yö see-. 'Pë 'ö- "piü yö -mü =dhe kö- me -yö ö bo ö këwɔn yaa -nu 'ka kö -yö dha -sü =sɔɔ. Yesu -yö -nu kö -yö 'wɔnyaakëme -nu =në- -nu dha. «Kö 'wɔnyaakëme do -yö bɔ Atanna 'ka (kö -yö ö bo 'wɔn yaa kë -sü 'ka), -a =niidadhe 'kpii- -yö -kë -a -bha "kië -nu kpö 'gü dhang- 'gü -kɔ do bha =në- 'gü.» (Dhukö 15.10). "Siü 'nɛɛ- -nu bha 'zü -wo =dhe Yesu =yɔɔn 'ö =wenng kwa -wɔn 'gü bha =në- "bleen- 'dhö. «Yesu -kë Atanna -bha "saa- "bhlaanë 'ö 'wɔn yaa bho "kpongtaame -nu -bha =në- 'ka.» (Zan 1.29).

**12 Atanna -bha "kië.** Atanna -bha "kië bha =në Atanna -wu "bleen- 'ka. -Yö Atanna "piü =dhe 'ö dhiang zë me "bhu- -nu 'ö- -nu -bha 'wɔn yaa -kwee =ya kë -a -nu -ta "gbiin-bha- -nu -dhe kë "dhü kö -wo wo -de dɔ 'wɔnyaakëme 'ka, kö -wo "wü ö -wɔn -bha, kö- -bha -dho -ya -nu zuë" pa.

13. -Tong. -Tong bha Atanna -bha 'Nii- "slüüslü "bleen- =në bha. Atanna -bha 'Nii- 'ö bha =në teanwɔn pö 'Nii- 'ka, yö =në 'wɔn yaa 'ö "kpungtaame -nu -wa -kë bha- -zɔn -nu -dhe 'kpakpadhö, 'yö 'wo- dɔ. 'Yö teanwɔn 'ö Atanna "piü 'klɔɔ- 'ö- 'gü bha, waa- za bha 'ö dho -a -nu zë- 'klɔɔ- 'ö- -bha, 'yö 'wo- pö. Pë "bleen- ya- 'gü bha Atanna -bha "Nii- "slüüslü bha -yö "kpenng, 'yaa 'me bha- zuë" 'gü 'zü, -a -gen -mü =dhe waa- 'wɔn yaa 'waa -wɔ 'kɔ do 'gü. Zuëga 'dhe 'ö 'wɔn yaa =në- gɔme 'ka bha, 'yaa =mɔɔ- -bha kö -yö -ya -a "piü mü. N dheebhang, 'i 'sëedhe ya- -wu pö sië bha, =ya kë =dhe i zuëga 'dhö =dhe zuëga 'dhe 'ö ya- 'dhö, kö -bhö "tabhoo -da Dëme -dhe, kö 'i i zuë" "dhiü "pu -a -wu -gɔ, kö- -bha -dhepuudhe -yö -da i zuëga 'gü. -Yö -ben zë -sü 'ka =dhe: «Bhö 'dhang- bho i Dëme Yesu Klisi -wɔn "dhiü, =ya kë "dhü i -dho dha-» Atanna -yaa- "plüün bho i -dhe =dhe -yö ö "piü =dhe 'i i zuëga nu ö -dhe kö 'ö- -dee 'ö -zu "ta -kɔ -së suu "wee =në- -gɔ, -a nu i -dhe. Pë "bleen- =ple -naa 'ö bhii- yö bha =në 'ö dho -zɔn i -dhe.

### 'Wɔnyaakëme 'ö dhasü mɔɔ- sië

Pë "bleen- 'dhe 'ö ya, 'me 'ö go sië ö bha 'wɔn yaa 'gü 'ö -ya -ya Atanna mɔɔ- -sü -bha, -a zuëga "bleen- =në bha. Atanna -bha "kië 'ö dɔ bha, -siangga =në =kwenng- bha, -siangga bha =në Atanna -wu "bleen- 'ka. «Atanna -wu bha pë "yaandhe -mü, "sɩ -ya -dhe, -a -bha "dhiüüdhe -yö -ziö -siangga 'ö "dhiü -zian 'dhö =ple -a -ta. 'Ö =ya "ye 'me 'ö -bha, 'ö -ziö -a -me 'gü do, 'ö zun- 'ka- -me zuëpiüwɔn waa- -me 'nii- -bha, 'ö- -nu bho "kuv =dhe -kɔ 'ö -dhaa -yö wü =nëng bho- 'ka wüga -bha 'ö yö- 'ka -a -me ga 'gü -yɔn -bha bha- 'dhö. Yö =në kwa -zu -gɔn 'gü -wɔn bha- -së waa- yaa -nu -bho "kuv dɔ.» (Eblö 4:12). -Yö -ben zë -sü 'ka 'zü =dhe: «Atanna -ya -ya me "bhü- -nu -bha 'ka kö -wo ga -kɔ dosengseng kë, =ya 'go mü kö -yö za dɔ -a -nu -bha.» 'Yö Atanna -wu -yö kwa -zu -bö 'zü =dhe: «'Wɔn

Zuēga ''bleen- =ple -naa



'Wɔnyaaakēme 'ō dhasū mɔɔ- siē -a zuēga

yaa -saa 'ö Atanna -ya bho me -go 'yö ga 'ka.» 'Wönyaakëme waa- 'me 'ö gwoḡbudhe -kë Atanna -wu -go bha, Atanna -dho -a -nu -zuö geeḡḡ -peng 'gü.

Atanna -bha "kië 'ö -siangga 'dhö- -kweng- bha- -kḡ do 'dhe 'ö to bha me -go "kpea -në- 'gü. Me -go "kpea bha -në- -zḡn 'wönyaakëme -dhe -dhe me -gban kwa -dho ga-. =Dhe kwa kwi 'ö- -dho -yö kwa -kë -dedewo, 'ö 'kwa sḡ -da -bha, 'ö 'kwa- "dhiü gba, 'ö 'kwa- -kë -së, 'ö 'kwa kwa -zu -kë -a 'gü kö 'kwa- dhḡḡbhaa -wḡn yaa -nu kë- -dhe yö bha, -yö -dho ga- 'ö -bu, 'ö -dhiaaseenë -nu -wa -bhö "peepedhḡ kö kwa 'nii- waa- kwa -zii kö wo -zë 'waa ga tongtongdhḡ bha, wo -zë -a -nu -dho Atanna -bha zadḡdhe 'gü -wḡn -yö -dhḡ.

Zuëga 'dhe 'ö yö bha 'wönyaakëme 'ö 'ö "tu 'to sië Atanna -wu -bha -a zuëga -mü. =Ya 'ö zuë" "dhiü "pu -sü zü bho Atanna -bha -dho -go. Atanna -bha 'Nii- "slüslü bha- 'bhü -ya 'bhü -sü zü bho -a 'gü. -A zuëga 'ö =dhe Atanna -bha 'kḡḡdhe 'dhḡ, 'ö -ya gun -ya -dhii 'kun 'nu 'wḡn yaa kë -sü 'ka -kponkplḡndhḡ 'dhḡ bha, -në Atanna -bha -dhepuudhe -ya 'bhü -sü zü bho -a 'gü "dhü bha, -a 'gü -wü -nu 'wo gun -dhe 'wḡn yaa "pepe 'ö me -ya -kë -a -nu 'bleen- 'dhḡ bha, wo =në 'wo =dua sië bha. 'Wḡn 'ö- -wḡn 'gü 'yö n dheebhang, 'i 'sëedhe ya- -wu pḡ sië bha, 'yö -dhe 'dhḡ- -bha =dhe 'i i zuëga nu Yesu Klisi 'ö yö -në "kpongtaadhe -bha -dhepuudhe 'ka bha--dhe kö -yö -da 'gü, kë "dhü kö 'wḡn yaa 'ö -ya -sü 'ka i zuë" 'gü, 'ö 'i yö -në- -dhidhewḡn kë sië -dhe -kḡ 'ö me zuëga "bleen- -blesü bha 'ö- -zḡn 'ka bha- 'dhḡ bha, -yö 'go- -bha bha 'yö bha. -A pḡ 'a- wo "dhü bha- 'klḡḡ- -mü =dhe Yesu bha =në- pḡ =dhe yö =në 'ö "kpongtaadhe -bha -dhepuudhe 'ka. 'Me "uu me 'ö yaa- -ziö 'ö -keng- -dhe -dho "pu- -a -me -bha -tosea -ta 'ö 'yaa -tosea kë 'ö tii -bha 'zü tongtongdhḡ "këe 'ö- -kë -dhepuudhe =në- 'gü (Zan 8:12). Me 'bha -kḡ 'yaa -mḡḡ- -bha tongtongdhḡ kö -yö 'wḡn yaa -bha -dhetiidhe 'ö me zuë" -bha bha- bho 'mü 'ö -de faan 'ka, "iin 'ö -de -bha 'wḡndḡdhe

'ka, "iin me "wee 'bha -zian -bha 'ka. -A "slë 'kö 'dhö 'ö- "slë  
 -së 'ka, 'ö =moo- -bha 'ö -dhetiidhe bha- bho me zuë" "piü, yö  
 -mü Yesu 'ö -dhepuudhe 'ka bha, -a -da me zuë" "piü -sü =në-  
 'ka, -a -gen -mü -dhe 'pë 'ö Atanna -wu -ya -dhe -dhetiidhe  
 bha 'wön yaa 'ö 'kwa- -kë bha yö -mü. "Su waa- ö sëng' -nu  
 bha -wo -dhe -pu kwa -dhe 'në 'bha wo gbeng, "kee 'yënnng- zë  
 -bha "dhiü- -ziö. -Yö "dhü =dhe "su waa- ö sëng' -nu -wo  
 -moo -bha 'wo "dhü dhöngdhe -nu to, "kee 'yënnng- -zë =ya bo  
 -wo -sü 'ka, -dhetiidhe waa- -dhe -pu me -ta -pë 'sënnë -nu 'ö  
 'wo bha, -a -nu =gban -wo =dua -në- wo. Yesu bha =në me -bha  
 -tosea -kë 'kpëdhö -sü bha -a 'yënnng- 'ka. =Dhe 'ö Yesu =ya  
 -da Atanna -dhökëgüko 'kpii- 'ö gun Zedhizadhemö bha- 'gü  
 yi 'bha 'ka, 'yö me "pepe 'wo gun -du -nu, -tong -nu, waa-  
 'bhlaa -nu "dhoo do sië 'mü bha, -a -nu "piü -kë, 'yö 'me 'wo  
 gun 'wëë- -nu fiëë bho sië bha -a -nu -bha 'tabedhi -nu "dhiü  
 -zuö kö -ya pö sië: «Ma 'kö bha -yö -kë Atanna -dhökëgüko  
 =në- 'ka, "kee 'yö ka -zë 'ka kë =kwaanme -nu zü -ya 'gü -kö  
 'ka.» (Matiö 21:13). N dheebhang, i 'sëedhe ya- -wu pö sië bha  
 Atanna -yö i zuëga -da, kö -yö kë ö -dhökëdhe, 'ö- -bha  
 'kooedhe =në- 'ka. -Ya "piü =dhe 'ö nu kö 'ö -ya mü, kö 'ö- 'gü  
 -dhe -gblö, kö 'ö- baa-, kö- -dhe -yö kë -së, kö 'ö ö bha "siü  
 -ya mü, kö -yö 'pu mü waa- -bha -dhö waa- -bha zuëniidadhe  
 -nu bha- -nu 'dhö. Yesu -bha nu 'ö- wo bha, 'wön 'ö nu- 'gü  
 -yö =ple. -A -blesü -mü kwaa- 'wön yaa -nu 'ö 'kwa- -nu -kë  
 bha- -nu -mawön 'to -sü 'ka, 'yö- -nu bho kwa -bha Atanna  
 wëëdhö. 'Yö -a =ple -naa 'dhö kwa -bho 'wön yaa -go  
 =dhuëngdhe 'gü -sü 'ka. -Yö -ben zë -sü 'ka Atanna -wu 'gü yö  
 =në- -wön 'gü =dhe: «=Ya kë =dhe Atanna Gbö bha =ya ö bo i  
 -bho =dhuëngdhe 'gü -sü 'ka kö 'bha 'go -dede =në- wo  
 =dhuëngdhe 'gü bha, (kö i -ta -dede =ya "pu).» (Zan 8.36).

Zuēga ''blēen- -yaaga -naa



'Mε 'ō 'go siē 'wɔn yaa 'gū -a zuēga

Pë “bleen- -yaaga -naa ‘ö yö bha, ‘wonyaakëme ‘ö ö zuëga nu sië Atanna -dhe “pæpedhō =në- “bleen- ‘dhö bha. =Yaa- ‘wön dö =tön =dhe ‘wön yaa -gao ‘gbæ -dede -yö ö -bha, ‘ö- ‘bha -nu -zian ‘wo -ziisü. =Ya ‘dhang- bho- “dhiü =dhe Yesu =në ga ö bha ‘wön yaa -nu bha- -nu -wön ‘gü “dhü -bha. =Ya ö “yan -kpan “dhü ‘ö Yesu -yö ga- -bha ‘ö Atanna -bha “kië kweng- bha- -bha. =Ya Atanna -wu ‘ö -gban -a -bha bha- ma, ‘yö- zuë” -yö to =taama -a -bha =song yaa -nu -wön ‘gü, ‘yö ö zuë” =slëë ‘gü, -go ‘wön yaa ‘gü -sü ‘ka, ‘yö- “yan -yö -pu -dho ‘kpii- ‘ö Atanna -yö bō- ‘ka Yesu Klisi -ta ‘ö- -kë ö ‘ka bha- -bha. ‘Yö -dho ‘ö Atanna -ya -kë -a ‘ka bha ‘ö -da -a zuë” “piü, ‘yö -a -zu =ya -ya -bö -sü -bha =dhe Yesu ‘ö -kë Atanna Gbö ‘ka bha, -yö -nu “dhü kö -yö yö -në ö këwön yaa -nu =gban bho ö -bha. -A -gen -mü =dhe Yesu Klisi bha =në kë -wu -bha kö ‘ö ga ö -wön ‘gü, yö -zë ö “glüü ‘gü «”dhü “dhang -sü» bha- bha.

‘Yö Yesu -ma ‘ö ‘wo- wo, ‘ö ‘wo “gleen ‘faan- -ya -a -göw, ‘ö ‘wo -a -kō waa- -gen -nu -zua “pōni ‘ka, ‘ö ga bha- wo “dhü “dhü -bha kwaa- ‘wön yaa -nu -wön ‘gü “dhü bha, ‘yö -ya -ya -da -sü -bha -a -zu “piü ‘kpakpadhō, ‘yö -a zuëga =ya “mung bho. ‘Yö =ya Atanna -bha ‘sëëdhe bha- -wu pō, ‘yö -ya ö -de yö- ‘gü =dhe me -yö -dhe -ga -dhuangdhe ‘gü, ‘yö- -zu -yö -ya -bö -sü -bha -kpeawo =dhe ‘ya bhō Atanna -dhe taa, =dhe Atanna -bha ‘tong- -wu -wlö ‘gü -sü bha ‘ya- “dhiü ziö -dedewo. ‘Yö -ye -a zuë” -bha -weendhō kö -a -zu =ya -bö Atanna -wön -ta, ‘yö -ya “gbu bō -sü -bha Atanna -dhe ö -sobhee -dede ‘ka, ‘yö =ya kë “dhü, ‘yö Yesu -yö =yōon- “sō. -Dho ‘ö Atanna -ya -kë ‘ka waa- zuëwaanüsü ‘wo -ya -da -sü -bha -a zuë” ‘gü, faan -dhe -bha, ‘yö -ya -a ‘wön dö -sü -bha =dhe «Yesu Klisi, Atanna Gbö, =yōon bha =në kwa -zu, ‘yö kwaa- ‘wön yaa -gban “pepe bho kwa -bha.» (1 Zan 1:7). -Yö -ben zë -sü ‘ka Atanna -wu ‘gü =dhe: «Atanna ‘yaa bhō ‘me ‘ö- -nu -bha -zugōndhe =ya ziö- -nu -ta bha- -nu ‘ka =gbleen. -Yö

-ta 'me 'ö "su 'yaa- -dhe -a -dhe.» ("Tan 'sëedhe 34:19). 'Yö Atanna -wu -ya pö 'zü -dhe "wee 'bha 'gü =dhe: «'Me 'a dho n "yan 'to- -bha 'ö 'a dho n "tung -kë 'gü, yö -mü 'me 'ö sëë bho sië, 'ö "su 'yaa- -dhe, "këë 'ö n -wu -ya -bhlëë 'gü bha -në- 'ka.» (Ezai 66:2). Me suu 'ö "dhü bha Atanna -bha 'Nii- "slüüslü bha -në- pö- -dhe "plëëplë 'ka- zuë" "piü, Yesu Klisi -wu bha- 'ka =dhe: «N gbö, ("iin n 'dhu), -bhö i bha 'dho wo i 'flëë- 'gü, 'ma i këwön yaa -nu -mawön 'to.» -A -me 'dhö Yesu -ga -ta "dhü bha- -ga sië ö zuë" "piü "dhü -kpeawo, kö -yö ö -zu 'gön sië =dhe Yesu =yöwön 'ö =wenng mü bha, -yö -wenng yö =në ö -wön 'gü, 'yö- -me -bha 'wön yaa -nu 'ö- -nu -kë, -a zuëdhiütee -nu 'wo gun- -bha bha 'wo go -ya -sü -bha -a -bha =dhe -kwëë- 'wo me bho sië- 'ka- 'dhö. -A -gen -mü =dhe Yesu yöö -dede =në kwaa- sëëbhodhe -nu waa- -dö kwa -gö yaa 'ka -wön -nu -kwëë bho kwa -ta. 'Yö -a -me -ya 'wön dö =dhe =gii 'ö Yesu -ya wo bha, -ya -wo "dhü kwaa- 'wön yaa =në -nu -wön 'gü. 'Yö- -naa dö =dhe: «Me =gban "pepe kwa kë -song yaa bha =në Atanna -ya -kë Yesu këwön 'ka.» (Ezai 53).

'Yö -dhepuudhe 'ö go Atanna -bha 'Nii- "slüüslü 'gü bha 'ö 'bhü -sü zü bho -a -me zuë" 'ö gun 'nu -bleesü -dhiisü 'ka Atanna wëëdhö, 'ö -dhe gun tröö -sü 'ka- 'gü -a -bha 'wön yaa -nu -wön 'gü bha- "piü. 'Yö -a zuëpiüdhe -zu Yesu =yöwön bha- 'ka, 'yö -kë "puu 'ka =dhe yu" "wië 'dhö Atanna wëëdhö (Ezai 1:18). 'Yö- 'wön dö =dhe 'ya kë Atanna -bha 'në -dede 'ka, -a -gen -mü =dhe Atanna -wu -ya -pö: «Atanna -bha 'Nii- "slüüslü bha yöö -dede =në "sëedhe -kë kwa zuë" "piü =dhe 'kwa kë Atanna -bha 'në -dede 'ka.» (Wlömö 8:16). 'Yö- -me 'dhang- bho -sü -yö -kë "dhiü 'kpakpadhö =dhe «me "uu me 'ö =ya 'dhang- bho Yesu Klisi "dhiü, 'yaa ga 'zü tongtongdhö, kö- -me =ya =sii 'ö 'yaa yën 'ö Atanna "piü bha- =slöw -naa bha.» -A -gen -mü =dhe Yesu bha =në kwa -gö -ta dho ö =yöwön 'ka, 'yö Atanna -yö kwaa- 'wön yaa -nu -mawön to. -Yö ö bha "klusëdhe -ziisü bha- -zön kwa -dhe -kö bha- 'gü.» (Efëzö 1:7). =Ya kë "dhü kö "ta -kö 'dhe 'yaa -së bha, kö -bö Atanna 'ka



-me -nu =wa wo -ko bho- 'gü. Woo bo -dhe 'ö- bha kö -wo Atanna dhoo**bb**haa -wön kë -në -a -nu zuë" 'dhö bho- bha. -A -gen -mü =dhe kö- me =yaa- -naa do =dhe «ö -dho kë Atanna -kë -bleesü.» Kö "kpungtaadhe waa- -a 'gü -pë -nu -dho 'yaa- me kë 'zü, kö Atanna -në -dho 'dhö- kë sië waa- dhoo**bb**haa -pë -nu 'dhö =taamasü 'gü.

=Ya kë =dhe 'ka pë "bleen- 'dhe 'ö ya -a -ga -së 'ka, pë "pepe 'wo gun 'wön yaa "bleen- 'ka 'me bha- zuë" 'gü bha, -a -nu =gban -wa zun "kpenng. Sotran =de 'pö 'yaa- "piü =dhe 'ö go mü, =ya ziö "këe -a -zu 'yii go -kö mü, -a -gen -mü =dhe -a -yiëë "dhiü -dhe -bleesü -mü, =ya kë =dhe yöö ziö, 'yö -dhe -ga ö =taama kö 'ö- "slë moo- 'koo -da 'zü -deewo 'mü. 'Wön 'ö- wön 'gü, 'yö kwa Dëme Yesu Klisi -yö kwa faan do =dhe 'kwa -ya kwa "yaan -bhea Atanna -dhe -sü 'ka, kö 'kwa 'dho- 'ka "dhiü -kpeawo, kö Sotran -yö =dua kwa -go bha, 'yö bha.

## Me 'ö waa- Yesu =wa do wo ''kwëë ''dhü -bha

Kwa- -yö Atanna -wu 'sëedhe 'gü =dhe: «-A -kë "dhü -sü bha- 'gü kö mang -dede -zë 'maa -tosea kë sië 'zü, 'kö Klisi =në -tosea kë sië n 'gü, kö ma -tosea 'a- kë sië =taamasü ya- 'gü bha, a- -kë 'dhang- -bho Atanna -bha 'në, 'ö n -dho -ya -kë 'ö ö -de nu n -wön 'gü bha =në- 'saa- 'gü 'dhang- -bho -a "dhiü -sü "glüü "piü.» (Gadhatö 2:20). «-A -kë "dhü -sü bha- -wön 'gü, kaa -de 'pö, -ka ka -de 'sü =dhe 'me =ya ga 'wön yaa -go -a 'dhö, kö 'ka -tosea kë Atanna -bha kë 'gü Yesu Klisi =yënnng 'gü.» (Wlomö 6:11). «"Këe ma -zë 'wön 'ö n "piü 'a n 'to 'kun- 'gü, yö -mü kwa Dëme Yesu Klisi -bha -do "dhü -bha -wön bha =në- 'ka. -A 'kloo- -mü =dhe -a -do "dhü -bha -sü bha =në- wön 'gü, 'yö 'ma kë =dhe 'me =ya ga =në- wo -a 'dhö "kpungtaapë -nu -go, 'yö (me -de dhoo**bb**haa -wön "pepe 'ö "kpungtaa yö bha) =wa kë 'pö =dhe 'pë =wa ga =në- wo- n -go -a 'dhö.» (Gadhatö 6:14).

Zuëga ''blëen- -yiisiö -naa



'Mε 'ö waa- Yesu =wa dɔ.' 'dhü -bha

‘Pë “bleen- ‘dhe ‘ö ya, -ya -zɔn =dhe ‘me ‘ö bha =ya ‘dhang-  
 bho Yesu “dhiü, Atanna =yaa- -gɔ -ta ‘dhɔ, -a zuë” =ya ‘waanu  
 “peɛpedhö. ‘Wɔn ‘ö =ya ‘to -a “dhi -dhiang ‘ka, yö -mü «Yesu  
 Klisi -bha “dhü ‘ö ga- -bha bha =në- ‘ka. -A ‘kɔɔ- -mü -dhe -a  
 -dɔ “dhü -bha -sü bha =në- -wɔn ‘gü, ‘yö =ya kē =dhe ‘me =ya  
 ga “kpungtaapē -nu -gɔ -a ‘dhö, ‘yö (me -de dhɔɔbhaa -wɔn  
 “pepe ‘wo “kpungtaa yö bha) =wa kē ‘pö =dhe ‘pē =wa ga =në-  
 wo- -gɔ ‘dhö.» (Gadhatö 6:14).

Yesu -yö -ga “dhü -bha “dhü, kē “dhü kö «‘ö kwaa- ‘wɔn yaa  
 -nu -kwɛɛ sü kö ‘ö dɔ- -nu ‘ka “dhü -bha, kö ‘kwa ‘dho ‘wɔn  
 yaa kē ‘zü, kö ‘kwa -tosea ‘ö pö ‘aa- -bha =në- kē.» (1 Piedhö  
 2:24). ‘Me ‘ö ‘kwa bɔ Yesu ‘ka kö ‘kwaa ‘wɔn “bhluubhlu -nu  
 kē me -nu ‘ka ‘zü. Kö ‘kwa kē =dhe ‘me =ya ga ‘wɔn  
 “bhluubhlu -nu kē -sü -gɔ =në -a ‘dhö. Gadhatö 5:16 -ya -pö  
 kwa -dhe =dhe ‘kwa “ta ‘sü “tu -to Atanna -bha ‘Nii- “slüüslü  
 ‘ö kwa ‘gü bha- -wu -bha -sü =në- ‘ka, kö yö =në -yö zun kwa  
 -dhe “dhiü. ‘Kwa ‘dho -tosea kē kwa -de dhɔɔbhaa kē -sü ‘ka.  
 ‘Yö -ben zē -sü ‘ka ‘sëedhe ‘wo- bɔ Gadhatö 5:25 ‘gü =dhe:  
 «=Dhe ‘kö -kē -zē wo =dhe Atanna -bha ‘Nii- bha =në -sii -kē  
 kwa -dhe bha, -a -dhe -ya -bha ‘pö kö ‘kwa “ta =dhe me ‘ö  
 Atanna -bha ‘Nii- ‘ö- “piü -a ‘dhö.»

Pë “bleen- ‘dhe ‘ö ya- ‘gü, ‘pē ‘ö bho ‘kɔ -gen -bha, ‘ö ‘wo  
 Yesu -kplü -a -bha kö =wa bo sɔ bho -sü ‘ka- -bha bha -yö dɔ  
 -sü ‘ka mü, ‘ö kwa “yan ‘dhö- -bha, ‘ö =klangga -nu ‘ö ‘wo-  
 ma ‘ka -mawɔnyaadhe -bha bha ‘wo mü. -A kē ‘wo- wo “dhü  
 bha- ‘kɔɔ- -mü =dhe Atanna -wu -ya -pö =dhe: «‘Wɔn “gbu- ‘ö  
 -ya -de ‘flëë- ‘gü -sü nu kwa -dhe bha -yö -wɔn yö =në- -ta.»  
 «-Wa -zua ‘dü ‘ka kwaa- ‘wɔn yaa =në -nu -wɔn ‘gü.» ‘Yö  
 Edhodö waa- -bha me -nu ‘wo =wɛɛ dɔ- -bha, ‘yö ‘wo dho ‘wo  
 “gblan “bhɛɛ dɔ -da -bha kö =wa wo bo -a -ma -sü ‘ka, ‘yö ‘wo  
 dho ‘wo “gleen ‘faan- do bɔ ‘yö ‘wo- -ya -a -gɔ -bha,» “sënnng  
 ‘faan- ‘ö -gblüdē -nu -wa -ya bha- keen ‘gü ‘ka. ‘Yö ‘wo dho  
 ‘wo -kaadhü =në- dɔ- =kweng- =dhe -gblüdē -nu -bha -taadhü

‘ö käng- =sië bha- ‘dhö, ‘yö ‘wo dho ‘wo yö wo ‘kpiö- ‘gü -a -kuu “dhiü -wee -dö -a -bha -sü ‘ka =dhe: «Zuifö -nu -bha -gblüdë, ‘ya ‘flii- -da -wa, ‘bha boo mü!» ‘Yö ‘wo wo “dhidhi -pen -a -bha, ‘yö ‘wo -taadhü ‘wo- dö -a =kweng- ‘ö gun -kaadhü ‘ka bha- ‘sü- gɔ, ‘ö ‘wo- -ma ‘ka- =gwiin-. =Dhe ‘ö =wa wo bo -a -weë kë wo -sü ‘ka =dhe -kɔ bha- ‘dhö, ‘yö ‘wo ‘dho- ‘ka ‘wo- dö “dhü -bha.

‘Mε =wa bɔ Yesu ‘ka bha- me ‘gbe -wo -dhö ‘ö- ‘tɔ -në- -nu -bha =dhe =wa bɔ -a ‘ka, -wo -dho Atanna -dhɔkägükɔ -nu ‘gü -kpeawo ‘ö ‘wo =bhea -a -dhe ‘ö ‘wo Atanna -bha -bhöpë “slüüslü bha- -bhö, ‘ö ‘wo “tan -nu bho ‘wo -wɪ ‘ka Atanna “piü, “kεε kö -wo wo Dhame bha- dö sië “dhü -bha “binma -dhekpɔɔ, ‘wo dho- ‘ka- -nu “ta -kɔ yaa-, waa- -nu kë -kɔ -nu ‘gü. ‘Mε ‘wo “dhü bha, kwa Dëmε -yö kë -a -pö -a -nu -dhe yi ‘bha ‘ka =dhe: «Mε “pepe ‘wo n -dhe sië: N Dëmε, n Dëmε bha- -nu =gban ‘wii ‘dho -da n Dë -bha -gblüdëdhe këdhe bha-’gü. “Kεε ‘mε ‘wo n Dë ‘ö -ya -sü ‘ka dhang- ‘gü bha- dhɔɔbhaa -wɔn kë =në ‘wo dho -da mü.» (Matiö 7:21).

Pë “bleen- do bha- ‘gü ‘zü, =naɔ ‘ö Zuda gun- -due bho sië bha, ‘ö gun bhɔɔ ‘ö- ‘gü bha -yö mü. Zuda bha =në kë kwa Dëmε bha- go “tanma ga -kaong -yaaga -bha kö =naɔ -dho =yaa- zuë” -gɔ zë, kö =yaa- “yënnng tröö kö -a -bha ‘wɔndɔdhe -zian =gbaan ‘ma -zuklu -bha. Lɔɔ bhiëëga waa- =dhama ‘në ‘wo -ya -a ‘gü bha =në gun “sɔdha -nu ‘wo nu Yesu ‘kun -dhe ‘gü gbeng bha- -nu -gɔ. ‘Yö ‘wo pë ‘në ‘ö bhɔ -piö kpö seennë -bha ‘ö -ya =gbandhaadhü =wlöö ‘ö ‘wo- -dhe “kwi -wu ‘gü «’de-» bha, ‘wo- -sü ‘wo Yesu bha sɔ =wlöö -sɔ -zë “kpüü -kë ‘ka, kë “dhü kö -wu ‘ö Atanna -ya pö yi ‘bha ‘ka ö -wudhiüloome -nu “dhi =dhe: «-Wo kë- -da -sɔ -nu -gblü wo ‘ko -ta, ‘yö ‘wo -a -bha =tɔyang -zë “kpüü -kë bha» -a ‘gü -wɔn -yö kë. ‘Yö ‘wo =bhlëë bho Yesu -bha, ‘yö ‘wo wo -kɔ -kan “dhiü kö -wa pö sië: «’Yaa yi “piü =dhe ‘mε ‘ö ya -yö -ya yi -gɔ “dhiü!»


-Yö me =gban “pepe “piü =dhe Atanna -yö ‘dhuë- kë wo -bha, “iin -yö ‘wɔn -së -nu kë wo -dhe: Dha ban -sü waa- ‘yënnng-’bhü -sü -nu ‘ka, “këë ‘waa “wɪ -zë wo- -bha kö -wo ‘wo -gɔ ‘dho Atanna ‘ö -ya -sü ‘ka ‘wɔn =gban -wɔn =gban -gɔ -ta bha- -bha -gblüedhe -dhe “sia-. Me ‘bha -nu -wo -dhö ‘ö ‘wɔn ‘dhö =gbaɔn =në- wo sië -a -nu -ta “tüng ‘ö- ‘gü, kö “sɪ ‘yaa -a -nu -dhe, ‘yö -a -nu -zɪ ‘dhö gun -naa -bö Atanna -wɔn ‘ka.

“Sodha do -yö kë Yesu “sen ‘gü -zua ‘dü ‘ka, ‘yö «”yi -yö to ‘ö go mü waa- =yɔɔn ‘dhö». ‘Yö “sanni -tɔɔn -yö “wɪ kö Piedhö yaa- zaa =dhe ‘yaa Yesu dɔ “iin ‘yaa- -bha =klang “dhiü ‘në ‘ka =dhe pë ‘dhö -genyan ‘ka -yaaga, gwëedhe ‘në do -dhe, “këë =dhe ‘ö “tüng ‘bha mü =ya =loo, -yö kë ö -bha ‘wɔn yaa ‘ö- -kë bha- -dɔ, ‘ö- -wɔn ‘gü ‘ö “gbɔ bɔ ‘ö- -wëedhe -yö kpɔ- -bha.

N dheebhang, ‘i ‘sëedhe ya- -wɪ pö sië ya, i Yesu bha- -dhiang -së -zë i “dhi ‘ka ‘ö ‘i- ‘gü -ta sü “wë -ee? “Iin -a -kë “dhü -sü ‘ö me -nu wëedhö -a ‘yiü- -yö i -kë -ee? Yesu -yö -to “kpungtaa ‘ö- pö: «Me “wɪ me ‘ö dho- pö me =gban “pepe wëedhö =dhe ‘ö n -bha ‘ka, mang -de ‘pö a -dho pö n Dë ‘ö -ya -sü ‘ka dhang- -nu ‘gü bha- wëedhö (yi do ‘ka) =dhe -yö n -bha ‘ka ‘pö. “Këë ‘me ‘ö dho- pö me -nu wëedhö =dhe ‘yaa n dɔ, mang -dɪ ‘pö a -dho pö- -me -bha n Dë ‘ö -ya -sü ‘ka dhang- -nu ‘gü, -a wëedhö =dhe ‘maa- dɔ.» (Matiö 10:32-33).

‘Yö -ya mü ‘zú ‘ö- pö: «’Me ‘ö ‘wɔn -kun me -bha -sü ‘ö =dhe n -dɔ -bha -dhü ‘dhö bha ‘yii kë- -gɔ kö =ya bun ö bha -tosea ‘gü kö -yö ziö- ‘ka n =keng-, kö ‘yaa n =bhlëë ‘gü -me ‘ka, kö -a -dhe yaa- -bha kö -yö kë ma me ‘ka.» (Matiö 10:38). -A -wɔn ‘gü, me “pepe ‘ö- -nu -gen ‘dhö -gban -sü ‘ka -gwë -tɔn ‘ö Yesu Klisi ‘ka bha- -ta kö- -me -nu -bha -së!

Zuē' ga ''blēen- ''sɔɔdhu -naa



'Mε 'ö- zuēga =ya kē Atanna -dhəkēgükɔ 'ka

Atanna -wu bha =në- pö =dhe: «Atanna -bha 'Nii- "slüüslü -zë -yö -dhö =në- -da me -zu -bha, 'yö me =nii -yö -da, 'yö me zuë" -yö 'waanu, 'yö me zuë" -yö -kë 'zü -sea, 'yö me "klv 'dhö -dhi, 'yö me 'dhö =gbɔɔ me -nu -gɔ, 'yö me 'yaa -wu =ple pö, 'yö me -kɔ -yö -mɔɔ me -de =song -bha.» (Gadhatö 5:22).

Pë "bleen- 'dhe 'ö ya 'wɔnyaakëme 'ö Atanna =ya -gasite kë -dhe 'ö =yaa- dha -a -bha me -wëë -bha bha =në- zuë" 'dhö bha. Atanna =yaa- "zu Yesu Klisi =yɔɔn 'ka, =ya kë "puu, zuëga 'dhe bha =ya kë Atanna 'ö- Dë 'ka bha- yagükɔ 'ka, =ya kë -a -yëa =bhaa -dhe -dede =në- 'ka, Atanna 'dhö, -a Gbö 'dhö, -a -bha 'Nii- "slüüslü bha- 'dhö, -wo mü =dhe -kɔ 'ö kwa Dëme Yesu Klisi -ya "plüün bho- 'ka -a 'dhö -dhe: «'Me 'ö n -dhö -ya -kë, -a -me -yö 'ö "tu 'to- n -wu -bha 'ö- 'gü -wɔn -kë, 'me 'ö "dhü bha 'pö 'yö- -dhö 'dhö n Dë kë-, 'yö yaa- n Dë 'yi nu 'yi yi -dheng bhɔ- -me -ta, 'yö 'yi -ya mü.» (Zan 14:23). Atanna -yö me =bhlëë -ya Yesu Klisi =në- 'saa- 'gü, 'yö 'dhuë- -kë -a -me -bha, 'yö- dɔ =zinng 'gü.

Me zuëga 'dhe 'ö bha, =ya kë =dhe Atanna -wëë =bhaa -dhe 'dhö. Me 'ö -nu zuë" 'dhö bha, 'waa 'wɔn yaa kë 'zü. Wü -nu 'ö Sɔtran ö =sua -gengodhe 'ka 'ö- -nu -gɔme 'ka bha, -a -nu 'bha 'waa mü 'zü. Atanna -bha 'Nii- "slüüslü 'ö -ya -da 'me 'ö- 'gü 'ö- -me 'dhö teanwɔn pö bha =në =ya 'to mü. Zuëga 'ö gun 'wɔn yaa suu =gban "pepe =në -nu -yëa 'ka bha, =ya kë "dhü -së 'ka -dedewo, =ya kë =dhe "dhü 'ö 'bha- bhe -bhö, 'ö- "dhia -yö ma i 'gü =në- 'dhö. "Dhü bhe 'ö 'wo "dhü bha 'Nii- "slüüslü =në- nu. "Dhü bhe -dee 'dhe 'ö zun- dɔ -sü -bha bha yö -mü: -Dhɔ -bha me kë -sü oo, =niidadhe oo, zuëwaanusu oo, me -nu =bhlëë -ya -sü -nu oo, kë dhɔngdhɔngsü -nu oo, "klusëdhe -nu oo, -to -wu -ta -sü oo, zuëseadhe oo, -kɔ -mɔɔ -de -bha -sü oo, "dhidhe "nɛnɛɛ -dhe waa- =song -së -kpea 'ö to 'ö- "dhia -yö ma Atanna waa- me "bhü- 'gü bha =në- 'ka. =Ya kë "dhü =naa kö- -me =ya kë =tɔn -drɔɔ -dhü -dede 'ö kwa Dëme Yesu 'ka bha- -gbeng 'ö bha sië- 'ka. -Tosea suu 'ö

“dhü bha ‘ö -slɔɔ -dhe ‘ö- ‘gü, yö -mü -a -me -bha -to -kplü  
 kwa Deme Yesu -bha -sü ‘ka, waa- -bhlëë -ya -sü ‘ö Atanna  
 -bha -sü ‘ka -a ‘ka, kö -a -me -yö ö -gɔ ‘dho Yesu -dhe “sia-  
 kö -yö Yesu -bha ‘tɔng- ‘kun (Zan 15:1-10). Zuëga ‘ö- suu  
 ‘dhö “dhü bha, =dhe ‘ö -kë -dhe Atanna -bha ‘Nii- “slüöslü -ya  
 ‘gü, ‘ö- pa -sü -nu =gban ‘ka bha- -wɔn ‘gü, -kɔ -ziö me -de  
 dhɔɔbhaa kë -sü waa- zuë” -bhɔ pë -bha -sü =gban “pepe suu  
 -gɔ -sü “sɪ -yö -kë -dhe, ‘ö =mɔɔ- -bha ‘ö -tosea zii ‘dhe ‘kwa  
 gun- ‘gü -bleesü, kö ‘kwii ‘dhang- bho =kö Yesu Klisi “dhiü  
 bha- dɔ “dhü -bha, ‘ö ö bo -a kë -sü ‘ka. Kö- -me -bha -tosea  
 ‘dhe ‘ö- kë sië =taama bha =ya kë sië -zv -yö Yesu Klisi -dhe  
 -sü -në- ‘ka. Kö- pö ‘wo- wo =dhe ‘ma n -kɔ zun- -bha, “iin  
 ‘ma- ma, “iin ‘ma- yö kö ‘ma ‘dhang- bho- “dhiü bha, ‘yaa-  
 -me -bha ‘gü ‘zü, -a -gen -mü =dhe -zv -yö Atanna -dhe -sü ‘ö  
 Yesu Klisi =yënnng ‘gü bha =në- -kɔ -ziö “kpungtaapë yaya bha-  
 -nu gɔ. Me ‘ö “dhü bha -yö -tosea -kë -zv -yö Atanna -dhe -sü  
 ‘ö ‘kpakpadhö bha- ‘ka. ‘Ö- ‘dhang- -bho -sü ‘ö kwa Deme  
 Yesu Klisi “dhiü “peepedhö. ‘Ö -kplü -sü ‘ka- -bha ö faan  
 =gban ‘ka, ‘ö ‘dhang- bho -sü ‘ö Yesu Klisi yee kë -sü, kö -yö  
 ‘go dhang- ‘gü -yö nu bha-”dhiü. Kö ‘wɔn “pepe ‘ö- -me ‘dhö-  
 kë-, -yö ö -zv -yö Atanna =në- -dhe. Me “bhu- -dho ‘ö Atanna  
 -kë bha- -wɔn ‘gü, kö- -me -tosea -kë Atanna -bha -dho ‘ö ‘yaa  
 yën tongtongdhö bha =në- ‘gü.

Atanna -wu -ya -pö: «Me “pepe ‘ö- -nu zuëga ‘dhö “puu ö  
 wëëdhö bha- -nu -bha -së, -a -gen -mü =dhe -wo -dho wo “yan  
 -kpan Atanna -bha.» (Matiö 5:8). -Gblüdë Davi ‘ö gun yi ‘bha  
 ‘ka bha -yö -gun -a ‘wɔn dɔ sië =dhe -gblü ‘ö ‘kpung ya- =taa  
 bha- “gbusü -dede ‘ö ‘dhö -yö -gun -a zuë” =në- “piü. -A -gen  
 -mü =dhe -a -bha =naɔ -kë -gɔ -sü, waa- -bha -kë -gblü “kplëë  
 ‘ka -sü -nu =gban ‘gü, -gblü “gbu- -sü -yö -gun -a zuë” =në-  
 ‘gü, ‘yö =dhe ‘ö =yaa- ‘wɔn dɔ =dhe- ”sɪ ‘yaa ö -dhe, ‘yö =bhea  
 Atanna -dhe ‘ö- pö: «’Aa! N Dë Atanna, -bhö zuëga ‘ö “puu i  
 wëëdhö -a nu n -dhe, kö ‘i n gba ‘Nii- ‘ö dho =mɔɔ- -bha ‘ö “tu



to i -wu -bha -a 'ka!» (“Tan ‘sëedhe 51:12). -A -me ‘yaa ‘dhö kö -ya pö ö -mɔɔ -bha ‘ö ö zuë” -zu ö -de -dhe kö -yö kē “puu Atanna wëëdhö, “iin =dhe ‘ö -mɔɔ -bha ‘ö ö -de zuë” =slëë ‘wɔn -së kē -sü -bha, kö ‘yii -kplü Atanna -zë -a -bha, ‘yii ‘dho =mɔɔ -kē -sü -bha. -Go me =sɔng ‘gü -sü ‘ö me zuë” =gban ‘ka, kö me -ya -dhe Atanna -gɔ kö -yö zuëga -dee nu me -dhe -dhe -kɔ ‘ö Davi -ya -kē ‘ka- ‘dhö bha =në me =yaa- kē “dhü ‘yö me zuë dho -kē “puu. N dheebhang, ‘i ‘sëedhe ya- -wu pö sië ya, -yö Atanna “piü =dhe ‘ö ‘wɔn -dee ‘ö “dhü bha- kē i zuë” =slëë ‘gü -sü ‘ka. =Ya kē =dhe kö ‘kwii kē kwa -de -wɔn ‘tan Atanna -zë -a -bha, ‘kwii ‘dho =mɔɔ- -bha tongtongdhö kö ‘kwa ‘wɔn ‘bha -wɔn ‘bha kē -së ‘ka kö ‘kwa kwa -de zuë” slëë- ‘gü kwa -de faan -bha. -Yö Atanna “piü ‘ö kwa -ta ‘kun. Yö =në- -wɔn ‘gü ‘yö “plüün -së bho kwa -dhe ‘ö- pö: «A -dho ka “zu- ‘ö ‘ka ka bo ka kēwɔn yaa -nu =gban ‘ka, ‘ö ‘ka -kē “slüüslü, ‘ö ‘a- -kē ‘ö ‘ka ka -kɔ bho kaa- geebo -nu ‘gü, ‘ö ‘a zuëga -dee nu ka -dhe, ‘ö ‘a ‘nii- -dee sü ‘a- -wɔ -ta; ‘ö ka zuë” “piü -dhe ‘ö ‘wɔn yaa kē -sü -në gun- ‘gü bha, ‘a- =slëë ‘gü kö ‘ka kē ‘wɔnsëkëme ‘ka -kpeawo, ‘ö ‘a ma ‘Nii- -ya ka ‘gü, ‘ö ‘a- -kē ‘ö ‘ka -kē “tu -to n -wu -bha -me ‘ka, ‘ö ‘ka ma ‘tɔng- -nu =bhlëë -ya, ‘ö ‘ka “ta sü -a -nu ‘ka.» (Ezekiedhö 36:25-27). Atanna -bha -mlëë -dee bha dhiang ‘ö- zë kwa -dhe -a ‘klɔɔ- =në bha. ‘Yö Atanna -yö ö -kɔ “gluu -ya -ta -a Gbö Yesu Klisi =yɔɔn ‘ka.

Pë “bleen- do bha ‘zü me -yö Atanna -bha “kië -yö mü. “Këe kö Atanna -wu -ya -pö kwa -dhe =dhe Atanna -bha “kië -nu bha -ya -nu -ya kö -wo gwëëdhe kē ‘me ‘wo dho -tosea ‘ö ‘yaa yën -a kē bha =në- -nu -dhe, ‘yö -a -nu -ya ‘me ‘wo Atanna =bhlëë -ya “dhü bha- -nu -maakëme ‘ka. (“Tan ‘sëedhe 34:8, 91:11-12, Danie 6:22, Matiö 2:13, Këwɔn -nu 5:19, 12:7-10).


Sotraan =de ‘pö me -ya -yö pë “bleen- do bha- ‘gü, -yö do sië zuëga bha- “sɔɔ =dhe ‘pë ‘ö “tüng -së ‘bha =në- -bha “kɔɔn bho sië kö -yö -da ‘zü -deewo ö -yaa zii bha- ‘gü -a ‘dhö. ‘Wɔn ‘ö- -wɔn ‘gü, ‘yö Yesu -bha bɔme Piedhö -yö kwa faan do -a pö

-sü 'ka =dhe 'kwa -ya kwa "yaan, kö 'kwa bhea" Atanna -dhe -kpeawo, -a -gen -mü =dhe «kwa 'ya- 'ö -kë Sotraan 'ka bha, -yö -niëë sië kwa -zü -vlüüündhö =dhe laabhölaa 'ö -gblan sië 'ö ziö sië "wɪ -sü 'ka kö -yö ö -bhöpë mɔɔ- sië bha -a 'dhö.» (1 Piedhö 5:8). =Ya kë -nu wo, -yö -gla Atanna -bha "kië 'bhü bhɔ -sü -nu bha- -nu 'gü, 'yö -da 'dhang- -bho Yesu "dhiü -më -nu 'ö 'waa -ya -sü 'ka wo "yaan -a -nu -gɔ 'gü, zuë" -bho pë -bha -sü -nu 'wo "kpungtaadhe ya- 'gü bha- 'ka, 'ö- 'bha -nu =wa kë, 'ö- -bha 'gü 'yaa ga -sü bha- -wɔn 'gü, 'ö- -kɔ -yö =mɔɔ Yesu -bha më -nu 'wo -kë -to -wu -ta -më "gblügblyü -nu 'ka bha- -nu -bha, 'wɔn 'sɛennë -nu 'ö më 'bha "tüng 'yaa- 'gü bha- -nu kë -sü 'ka, 'yö- -nu -pö. "Kɛɛ kö =ya kë =dhe 'kwa- 'kun -zë wo "gbu-, kö 'kwa kwa -kɔ dha- -gɔ, -yö -dho =dua kwa -gɔ 'ö bhɔ kwa -dhe taa- =gbleen. (Zakö 4:7).

### Zuëga 'ö 'zëëzë kë sië, 'ö =ya 'pe 'gü yö -mü.

Pë "bleen- 'dhe 'ö ya -yö -wëësü. 'Më 'ö =ya gun =ya bɔ Yesu 'ka, 'ö =ya ö -kɔ "kan 'nu 'wɔn yaa suu "pɛpɛ =gban kë -sü "dhiü bha =në =ya ö yee kë 'ö bɔ -deewo sië 'zü 'ö "glu 'gü bha. -A "yanga do =ya zun "dhiü -ta -sü -bha, -a -gen -mü =dhe =ya yö yi zë -sü -bha -a -bha -bɔ Yesu 'ka -sü bha- 'gü. 'Yö -a "yanga do 'dhe 'ö to 'ö -dhe -ga sië -a 'ka ö -züzü "yan "gbu- -dhe -dede -bha, "kpungtaapë -nu -dho -dee 'ö =ya -da -a zuë" "piü bha- -wɔn 'gü. Atanna -bha -dhepuudhe 'ö gun 'bhü sië -a 'gü bha, -yö dhuu" -naa -ta. Pë "bleen- -nu 'wo gun -a zuë" 'gü, 'ö 'wo gun- -zɔn sië =dhe 'ya "wɪ- -bha kö 'ö saan" Yesu Klisi -wɔn 'gü bha- -nu =gban -wo -pö -yan -ta. Sotraan -bha më 'gü dan -sü 'ö "kpënnng- -kë 'ka më -gɔ bha =në =ya =klëën- -zü, 'yaa =mɔɔ- -bha 'zü kö -yö ö -kɔ dha -a do -zian -gɔ, -yö -pö =në- wo sië -a 'gü do 'ö dho- 'ka. =Ya ö bo "tu -to Atanna -zë -a -wu -bha -sü 'ka, -yö ö "tu 'to sië Sotraan -bha "plüün 'gü "fiëë -nu 'ö- bho më -dhe bha waa-

Zuēga ''blēen- ''sacdo -naa



Zuēga 'ö 'zēzēzē kē siē 'ö -ya ''pε 'gū

-a -bha me -pö -wu -nu bha =në- -nu -bha, “kee kö ‘yaa- ‘wón do sië =dhe ‘wón yaa =në ‘ö- -bha bha. -Yö -mɔɔ -bha ‘ö dho Atanna -dhɔkɛgükɔ -nu ‘gü, ‘ö ö bha “kpungtaapë -nu -dhɔ bha ‘ö- -bin Atanna mɔɔ- -kɔ bha- ‘gü ‘ö ö -de sü Atanna -bha me -nu “yan “dhiü =dhe yö -zë ‘yaa ‘wón yaa ‘gü, “kee kö Atanna -dhɔ ‘ö gun -a kē sië ‘böbödhö bha =ya ‘dho “sia-. -A -bha -zutadhe =ya “pe- ‘gü, -yö ö -kɔ dan sië “kpungtaapë -nu -bha, “kee kö -ya -zɔn sië me =gban “yaan =dhe Atanna -dhɔ -yö ö -kē. “Susëngga ‘ö gun ‘bhü sië -a zuë” “piü ‘ö =yaa- pö ‘ö ‘wón yaa kē, ‘ö- pö =dhe ‘waa- kē “dhü bha =ya dhuu” ‘pö. -A -dobhadhü ‘ö- -dhe gun- -bha ‘nu =dhe -ya ‘sü kö -yö ziö- ‘ka Yesu =keng- bha, =ya =fiëë -a ‘sü -sü -bha. =Ya kē -a ‘gü =kwëë- ‘gbiin- ‘ka. -A -san =gbaan zun -zianwo -a ‘gü. -A -bha -zu -yö Atanna -dhe -sü yun ‘yaa “sëë ‘zü. ‘Yaa bhea” Atanna -dhe ‘zü, Atanna -wón ‘yaa ‘dho- =gwiin- ‘zü, -a zuë” ‘yaa bhɔ Atanna -dhɔ kē -sü -bha ‘zü, -a -bha -kē ‘wón yaa ‘gü -sü bha ‘yaa- ‘gü ‘wón ‘bha -zian ‘ka. Megüdanme ‘ö- Sotraan ‘dhö -mü bha -yö -yaa nu sië -a -dhe ö zuë” “piü “lædhö, “lædhö ‘ö dho- ‘ka. -Nëng ‘me ‘waa Atanna dɔ bha- -nu -bha -sü “dhia -ya ‘gü ‘ö -ziö ‘ka ‘me ‘wo =nëng Atanna -bha ‘kpakpadhö bha- -nu -ta, -yö =nëng sië ‘me ‘waa Atanna dɔ bha- -nu -bha.

“Yina yaa ‘ö- -zɔn ‘ka ‘dhö -kē -maa suu bha ‘ö -de -sü ‘kpii- =yaa- pa, ‘ö -bhla ö ‘gü -vɔɔdhö =dhe =dungdɔng ‘dhö (“kee ‘ö ‘yaa kwa -gɔ “së ya- ‘gü), ‘ö -kē -de -sü ‘kpii- ”yina ‘ka bha, -yö zian mɔɔ- sië kö ‘ö -da -a ‘gü. -Bhea Atanna -dhe -me ‘dhe ‘ö bha- -zu =ya bhɔ =dhe ö dha ‘ö Atanna -ya wo bha -ya -wo ö bha -gasite doseng =në- ‘saa-‘gü. -A -wón ‘gü, =ya kē -de -sü ‘kpii- -me ‘ka. We ‘kpii-mü -sü bha =në -da sië -a -gɔ ‘gü, =dhe me -yö “kwëë -ta -ma me -ta. Kē ‘ö- wo “dhü bha, -a ‘bha -nu =ya kē -a -me ‘yaa- ”dhiü wlüü” -bha =dhe -ka dɔ ‘a we mü kö -yö n ‘kun, “kee ‘bha mü -a -me waa- -a “tayɔɔ -nu ‘ö ‘waa Atanna dɔ bha =në =wa kē trootadhe do ‘gü, ‘yö- pö -sü ‘ö =dhe Yesu -bha me -mü n ‘ka, ‘maa we mü bha, ‘ö -kē -a -me ‘gü

‘yiüsü, “iin ‘zü ‘yö -kë -a ‘gü -ziüsü, ‘yö -kë -a ‘gü -dhe -ya kë  
 “dhü kö woo =wee dö ö -bha. =Ya kë “dhü ‘yö Sotraan -ya pö-  
 -dhe: «-A do ‘dhe ‘kö =dee bha ‘bha- mü kö -yö -më kë i ‘ka?»  
 ‘Yö -zütadhe yaya -nu waa- zuë” -bho pë -bha -sü -nu ‘wo -ya  
 -da -sü -bha -a -go ‘gü -a tii’ ‘ka. -A ‘bha mü ‘zü, ‘yö yöö -dede  
 ‘ö- ‘wön dö ö -de zuë” “piü -dhe ‘ya “gbeeta yaa zë. -A ‘bha -nu  
 =wa kë ‘yö dho padheë “tan kë -dhe -nu ‘gü, “iin ‘wön -nu ‘ö- kë  
 -sü ‘yaa dhi Atanna -dhe bha -a kë -dhe -nu ‘gü, kö Sotraan -ya  
 pö sië -a -dhe =dhe -a ‘dhe ‘kö bha me =gban -wa -kë, yö -zë me  
 “bhu- -nu ‘tuü- -mü. =Dhe ‘wön yaa do ‘kö bha, -a kë -sü ‘yaa  
 ‘wön yaa kë -sü ‘ka.

-Yö “dhü tean- ‘ka -dhe ‘wön yaa bha -yö -dhe -maa ‘dhö. ‘Kwii  
 ‘dho =moo- -bha kö ‘kwa- pö -maa ‘ya ‘dho ziö kwa -ta “dhüng  
 ‘gü, “keë -a ‘to -sü ‘ö mü kö -yö nu -yö ‘kö dö kwa -gwiin-, kö  
 -yö -yaan -da mü, kö -yö ‘dho -yö ö ‘kpo -nu =gban wo ‘wön yaa  
 kë -sü -nu ‘wo -da kwa zuë” ‘gü bha =në- -nu kë -sü ‘ka bha =në  
 ‘yaa -së. =Ya kë =dhe ‘kwa kwa kongga tao ‘në nu Sotraan -dhe  
 kö -yö kwa ‘kun- ‘ka ‘wön yaa kë -sü ‘gü, -yö -dho ‘dho- ‘ka “dhü  
 ‘ö kwa -kö “dhe -to “dhü -sü =gban =mëng, ‘ö dho kwa ‘ka “siü ‘ö  
 ‘yaa dhuu” bha- -kaso ‘gü. ‘Wön ‘ö- -wön ‘gü ‘yö Atanna -yö  
 kwa faan dö -kpeawo ‘ö- pö ‘kwa =dua zuë” -bho pë -bha -sü ‘ö  
 ‘nëglöndhe “iin ‘nëdhiëngdhe ‘gü bha- -go, “iin ‘zü ‘ö -kë ‘wön  
 yaa suu “uu suu ‘ö- ‘ka, kö ‘kwa ‘dho troo kë -a ‘ka ‘yö bha.  
 -Kwa =dua ‘wön yaa -go kö ‘kwa ‘dho Yesu ‘ö kwa -go -ta dho  
 =song yaa -bha =dhuëngdhe -go, kwa -bha -gblü “kplëë ‘ö -ya ‘to  
 “gblü-‘ka =Sotraan -ta bha- “piü.

‘Me ‘ö ‘ka- yö sië kö -yö zuëga =zua sië- pë “bleen- -ya ‘gü bha,  
 =weë -dö me -nu -bha -me -nu waa- me -nu ‘wo ‘dhang- bho  
 Yesu “dhiü -a -nu ‘yao- -nu ‘ka bha, -a -nu -zon ‘ka -në bha. ‘Me  
 ‘wo bha =në -a -nu -bha =weë yaya dö -kö ‘ö -bhea Atanna -dhe  
 -me -nu -bha waa- -a -nu “dhi -dhe -dhiang -nu bha =në =wa “ye  
 -bhea Atanna -bha me -nu zuë” -bha ‘yö -kë =dhe me -yö me  
 zua -dhaa ‘ka =dhe -kö ‘ö göndënë bha ‘ö- kë sië- ‘ka bha- ‘dhö.

Zuëga 'ö 'yaa -kplüsü 'ka Yesu -bha kpenngkpenngdhö, 'ö "pe -sü 'ka 'gü "kprungtaadhe waa- Yesu -nu -zinng 'gü bha, 'yaa =moo- -bha kö -ya bun, 'yö -kë -a -pö -gen 'ka. Yesu -bha me suu 'ö "dhü bha -yö "suü- me "bhu- -nu -gö 'ö -ziö 'ka Atanna -zë -ta. 'Yö -ya -ya 'zëzëzë kë -sü -bha 'wön -nu kë -sü -nu 'gü, 'yö- pö: «'Ma- kë -ni -wo -dho a pö n -bha -dhe -oo?» "Iin: «-Wo -dho n kë =dhe -oo?» -A -kë "dhü -sü bha- 'gü, 'yö -da =dhuëngdhe 'gü me "bhu- -nu -gö, 'yö -ya -bho Atanna -dhe taa -sü -bha. 'Yö zuëdhiütëe "tüng -nu waa- me -din yën "tüng -nu bha, 'yö =dee 'yaa n -ta -së waa- 'wön -siö me -dhe -sü -nu 'wo -da -a zuë" 'gü. 'Yö -dröw kë -sü "iin gblëen" yaya -göön me 'ka -sü -nu bha 'wo -ya -a -me sëë bho -sü -bha, 'yö -ya ö "teado 'bha yö kö =nao -ya -gö kö -ya ziö- 'ka ö -ta, "iin kö me -ya bho ö 'gü -ya ziö- 'ka ö -ta, 'yö -siö -me -dhe -yö =dröw yaa 'dhö ma 'gü.

=Dröw kë -sü 'ö bha =në =mlëe 'ö kwaa- pë "blëen- ya- 'gü bha -a -zön 'ka 'ka. 'Yö 'me 'bhii -ya i 'suan- 'ka, 'yö =mlëe bha -ya -da i 'gü, 'yö- -kë 'yö -saanmekë -yö -da me 'gü me tii' 'ka, 'yö "kwëe bha- "dhi -kpeë -pu -saanmekë waa- -de -sü 'kpii- -nu -gö.

Yö =në- -wön 'gü, 'yö kwa Dëme Yesu -yö -dhioo dö kwa -ta 'ö- pö: «-Ka -ya ka "yaan kö 'ka bhea" Atanna -dhe kö =Sotraan -bha "kpenng- -kó 'ya 'dho =moo ka -bha.» (Matiö 26:41). 1 Kodhengtö 10:12 -ya pö 'zü kwa -dhe: «-A -kë "dhü -sü bha- 'gü, 'me 'i 'dhang- bho -sü 'dhö i -de "dhiü =dhe i "ta -kó -yö -së Atanna -bha zian bha- -ta bha, -bhö -a kë i 'suan- 'ka kö 'bha 'dho zian 'to-» -A -gen -mü =dhe =nao -dho -bha kwa gööbho -sü -yö -bhaasü 'ka =dhe "pëedhö, -a -dhe 'yaa "gbu-. Yö =në- -wön 'gü, 'yö Atanna -wu -ya pö 'zü =dhe: «-Ka Atanna -bha -gblü -göön 'ka -kwëe =gban "pëpe -ya ka -bha kë "dhü kö Sotraan -bha "kpenng- -kó 'ya 'dho =moo ka -bha.» (Efezö 6:11).

Zuëga ''blëen- ''saople -naa



'Mε 'ö- zuëga =ya kë ''glöglöw 'ka 'ö ö yee kë sië

Pë “bleen- ‘dhe ‘ö ya ‘me ‘ö gun Yesu -keng-, ‘ö ‘yaa- -bha zian -ta ‘zü -a “bleen- -mü. ‘Me ‘ö- “bleen- ‘dhö bha, Atanna -bha -dhepuudhe =ya gun =ya ‘sɔ- -ta, -bhödhe -nu ‘ö Atanna -ya bɔ ‘ö bha me -nu -dhe bha- -bleesü =ya bhɔ- -dhe, Atanna -bha ‘Nii- =ya =gwëë -a ‘gü, ‘yö =ya ‘dho =ya “kan ‘zü Atanna -bha zian -së bha- -bha. Pë “bleen- do bha ‘zü, -yö ‘me ‘ö =ya Atanna -wu ma, ‘ö =wa Atanna -bha naɔ -së bha- dɔ- -gɔ pingpingdhö -kɔ suu =gban -suu =gban ‘gü, “kɛɛ ‘ö ‘yii “wu- -bha kö -yö ‘ö zuë” slëë- ‘gü tongtongdhö, kö -yö ‘dhang- bho Yesu -wɔn “dhiü, kö -yö ‘ö -de nu Atanna -dhe =në- “bleen- ‘ka. Me ‘ö ‘ö zuë” “dhiü ta Atanna -gɔ kö -yö dhiang zë sië -a -dhe -kpeawo =dhe -kɔ bha- ‘dhö, -a -mɛ -ya -da =në- wo =taama -kpeawo ‘ö dho- ‘ka. ‘Kö ‘zü yöö faan -wɔ ‘ö -de -ta -kɔ “uu -kɔ ‘ö- ‘gü kö ‘ö -wɔn “dhia -yö ‘ma Atanna ‘gü =wɛ, -a -kɔ ‘yii ‘dho =mɔɔ- -bha kö -yö Atanna dhɔɔbhaa -wɔn kɛ =dhe -kɔ ‘ö- “piü =dhe -ya kɛ- ‘ka- ‘dhö.

‘Me ‘ö gun Yesu =keng- ‘ö ‘yaa- -bha zian -ta ‘zü, Yesu yöö -dede -ya -mɛ kɛ -kɔ -dhiang zë Dhukö -gɔ ‘sëedhe ‘gü (11:24-26) ‘ö- pö: «”Yina yaa =ya ‘go me ‘gü =ya ‘dho -yö -dhekpeadhe =në- -nu =mɔɔ kö ‘ö -ya ‘gü. =Ya kɛ =dhe =yaa- -dhe mɔɔ- ‘yii- yö, ‘yö- pö: ‘A, =ya ‘to yö -zë -a -bha kö a -dho n yee kɛ- ‘a dho n -gɔ ‘kɔɔdhe ‘a go- -bha bha- ‘gü “dhe! =Ya kɛ “dhü =ya ‘ö yee kɛ kö -yö nu, kö ‘kɔɔdhe bha =waa- -gblö “pɛɛpedhö, kö =wa ‘kɔɔdhe dhipë -nu =loo mü -dhe =gban ‘gü, ‘yö ‘ö yee -dee ‘bha -kɛ ‘ö dho ‘yö ‘ö -kɔ -da “yina yaa -dee “saɔple ‘ö wo -zë -a -nu -mawɔn ‘dhö ‘ya- ‘ö -ziö ‘ö -ta bha -a -nu ‘gü, ‘yö ‘wo nu ‘zü -deewo ‘wo -da ‘mɛ bha- ‘gü, ‘yö ‘wo wo -yɛa kun ‘mü. =Wa wo -yɛa -dee ‘kö bha- ‘kun =dhe -kɔ bha- ‘dhö, -a ‘mɛ bha- kɛwɔn =ya -siö -zianwo =taamasü ‘gü, -yö kɛ =dhe ‘pë ‘yii pë ‘bha kɛ -bleesü -a ‘dhö.» ‘Wɔn ‘ö- =slɔɔ bha =në “gwënnng ‘bha ‘dhö -gban -a -bha ‘ö- pö =dhe: «-Pt ‘ö ‘gben- -ya wo bha, =ya -ya ‘zü mü =ya nu =yaa- -bhö, “iin -bho -dhee ‘ö =wa gun =waa- “zu, =ya -da ‘zü -deewo büü- ‘gü» bha =në- suu ‘dhö bha. (2 Piedhö 2:22).



-Wu -nu 'wo go Atanna -wu 'sëedhe 'gü "dhü bha -wa -zon  
 "puu 'ka' zangta =dhe 'me ö gun Yesu -keng- bha "yaa- -bha  
 zian -ta 'zü, "iin 'me 'ö 'wönyaakëme 'ka, 'ö -ya Atanna -wu  
 ma, 'ö 'yaa "wt- -bha kö 'ö ö zuë" slëë- Atanna "piü, kö 'ö go  
 'wön yaa 'gü yö -mü. 'Wön 'ö- -wön 'gü, 'yö 'wön yaa waa-  
 -bha 'gügbudhe 'wo -ya -sü 'ka- 'gü, 'ö -ya -da -a -nu -gö  
 =dhuëngdhe 'gü bha 'yö bha. 'Me bha -kö 'ö- zuë" 'dhö- -bha  
 'yö- wëëdhe 'dhö- -bha 'pö, 'yö -ya 'ka bha. Atanna -bha 'Nii-  
 "slüüslü 'ö- "klü 'dhö -së, 'ö- "blëen- 'dhö -tong 'ka bha, 'yaa  
 =moo- -bha kö -yö 'to mü. 'Pë 'ö -kë 'ö ö bha 'dho- wo sië bha  
 'yö bha. -A -gen -mü =dhe Atanna -bha 'Nii- bha waa- 'wön  
 yaa 'waa =moo- -bha kö -wo -wö 'kö do 'gü. Me zuëga bha 'yaa  
 =moo- -bha kö yöö doseng -yö kë Atanna waa- Sotraan -nu  
 -bha 'kö 'ka "kwëë-. Atanna -bha "kië 'ö kë nu Atanna -wu 'ka  
 bha, -yö ö bha 'dho- wo sië -wëësü 'ka. =Yaa- kë yö -ya -dhe  
 -ga ö =taama, -a -gen -mü =dhe -ya 'gü =dhe -a -me -moo- -bha  
 'ö ö zuë" =slëë 'zü -deewo =dhe 'në 'ö ö dë -bha 'kö to, 'ö dho  
 "se "piü, 'ö ö yee -kë 'ö nu 'ö Yesu -ya -dhiang zë bha- 'dhö.  
 Dhukö 15:16-18 -yö -ben zë -sü 'ka mü =dhe, =dhe 'ö 'në bha  
 =nao 'ö- sü 'ö -da 'ka "bü bha =ya yën, 'yö -ya -bho -nu "dhiü  
 gba -sü -bha kö -wa =saa bho, -bho -nu -bhöpë 'ö 'wo gun-  
 -bhö sië bha -yö -gun -a "piü =dhe 'ö- 'bha -bhö, kö diin- -ya  
 kë sië yaa wo, "këe me 'bha 'yii- -bha nu. =Dhe 'ö -ya 'yaanu  
 =ya ö -zu 'gön 'yö- pö: «A -dho wlüü" 'a dho n dë "piü, 'a- pö-  
 -dhe: N dë, ma -da Atanna "dhiü, 'ma -da i "dhiü -a -dhe  
 'yaa- -bha -zianwo 'zü =dhe -wo i 'to pö n -bha =dhe i gbö -mü  
 n 'ka. -Yö -ben zë -sü 'ka mü =dhe, =dhe 'ö 'në dë bha 'ö ö gbö  
 bha- yö kö -yö 'go sië ö =song 'gü =dhe -kö bha- 'dhö, 'yö-  
 -mawön to, 'yö- gba 'zü -yaa 'ka ö -gö 'kooëdhö.

"Këe kwaa- pë "blëen- 'ö ya, me 'ö -a zuë" 'ö ya, 'yii 'go ö  
 =song 'gü 'kpakpadhö, 'yii ö -ta -ya 'wön yaa 'ö gun- kë sië  
 bha- -gö kö -yö ö wö bö Atanna "piü. Atanna -bha me -mawön  
 'to -sü 'ö bö- 'ka Yesu -ta bha, -a -mawön -zian 'yaa- -bha 'zü.

'Wɔn 'bha 'yaa- 'dho =gwiin-. 'Wɔn =gban -ya 'gü -bhaa- -sü, -a  
 -bha -wɔn 'yaa Atanna dhɔɔbhaawɔn kɛ -sü -bha. "Nii-  
 "slüüslü -ya dhiang zɛ- -dhe =dhe 'wɔn 'dhe 'ö ya 'yaa -sɛ, -a  
 -mawɔn 'yaa kɛ zianwo 'mü. =Ya -da yi 'gü Atanna -wɔn "gluu  
 "piü. -Da 'ö- wo yi 'gü "dhü 'ö -dhe -ta =ya ga- -ta bha- -wɔn  
 'gü, =ya kɛ =dhe 'mɛ 'ö- "tu =ya 'wü- 'dhö, 'yaa Yesu -wu ma  
 'zü. -A "yan -yö mü "kɛɛ -ye 'ö- "dhiütodhe 'yaa 'dhö 'ö dho  
 "siü -kaso 'gü, 'ö dɔ- -dhɛng "dhiü bha, 'yaa- -dhe yö. 'Wɔn  
 yaa kɛ -sü 'yiü- -zian 'yaa- kɛ 'zü, -ya kɛ =nɛ- wo siɛ do 'ö dho-  
 'ka. Sɔtraan =nɛ =ya kɛ -a -bha -gblüdɛ 'ka, 'ö -ya -sü 'ka- -gɔ  
 "dhiü, 'ö -ya -sü 'ka ö bha -gblüdedhe -gblöö -ta. -Yö Sɔtraan  
 =nɛ- dhɔɔbha -wɔn -kɛ. Mɛ suu 'ö "dhü bha, 'bha mü kö  
 =bhlɛɛ -yö -tun -a -bha Atanna -bha mɛ -nu kpö 'gü, kö -wa  
 -ga siɛ =dhe 'mɛ 'ö =nɛng Atanna -bha -a 'dhö, "kɛɛ kö -a suu  
 =ya kɛ =dhe mɛ bun 'ö =wa "yɔɔ "puu -da -a -bha -nɛ- 'dhö,  
 'bha- -bha -dhe yö i- -pö pɛ -sɛ -zɛ -a 'bha =nɛ, "kɛɛ kö- 'gü  
 -zian -zɛ -yö pa -sü 'ka mɛ ga zɔɔ" waa- pɛ "busü -de -slɔɔ  
 =nɛ- 'ka. (Matiö 23:27).

Sɔtraan 'ö =sua -kɛ mɛ -nu -gɔ -mɛ 'ka bha, yö =nɛ 'ö ö "tu 'to  
 siɛ -a -bha. =Ya ö -ta yö 'Nii- "slüüslü -gɔ, "kɛɛ kö yö =nɛ 'ö  
 teanwɔn pö -mɛ 'ka. Wü -nu 'wo -ya -a zuɛ" 'gü bha, -a 'dhe  
 'ö 'dhö 'ö 'wɔn yaa 'dhe 'ö- "blɛɛn- 'ka bha =ya nu =ya -yɛa  
 'kun -a zuɛ" 'gü. Wü 'dhe ö "dhü waa- ö bha -zuu. Kö wo =nɛ  
 'wo faan wɔ siɛ -a -ta =taamasü 'gü. 'Kö 'zü -kɔ -dha -a -nu  
 -gɔ -dhɔ =ya kɛ -a -bha -kɔ "su -kɔ 'ö- 'gü, 'yaa =mɔɔ- -bha, -a  
 -gen -mü =dhe kö =waa- -kplü -piö lɔɔ" 'ka. -Yö -ben zɛ -sü 'ka  
 Atanna -wu 'gü =dhe: «'Ö gun Moizö -kwe -ta, mɛ "su mɛ 'ö  
 =yaa- -bha 'tɔng- bho, kö mɛ =plɛ, mɛ =yaaga -wa -dhe yö, kö  
 -wa "sɛedhe kɛ, -wa -mɛ zɛ =nɛ- wo 'ö- -wɛɛ 'yaa mɛ 'bha kɛ,  
 =ya kɛ "dhü bha -oo, 'yö 'mɛ 'kö Atanna gbö -dede -da ö -gen  
 =wlöö, 'ö- =yɔɔn 'ö =wɛng, 'ö -mlɛɛ -dee 'ö Atanna -yö bɔ- -ta  
 'ö- -ga mɛ "slüüslü 'ka bha- -ga "wlaapɛ 'ka, 'ö "yan -ziö 'gü  
 ma Atanna -bha 'Nii- "slüüslü 'ö -gasite -kɛ mɛ -dhe bha- -bha

=we, -a -me -bha -dho kë 'mü =dhe? Kaa -dede ka -moo -bha 'ö 'wön 'ö- -dhe 'dhö- -bha -dhe -yö wö me 'ö "dhü bha- -ta -a -bha -kë -ziisü -sü bha, -ka ka -zu 'gön- 'gü.» (Eblö 10:28-29). Kö 'ka 2 Piedhö 2:1-14 -wu pö 'pö.

N "taongdë, 'ö =ya kë =dhe pë "blëen- 'dhe 'ö bha =ya kë i -go =dhe "yi 'dhö, 'bha i -de "blëen- yö- =bhaa, kö 'bha 'dho "tüng 'kpɔ-, -bhö "tabhoo -da Atanna -dhe i faan =gban 'ka. -Yö -moo -bha, "iin -yö "wɪ -sü 'ka -a -bha kö 'ö i bha 'wön yaa =gban bho i -bha "peepedhö, "ni kö i zuè" -slëè -a "piü -wön -dede -zè =ya kë i 'gü. -Bhö nu -a "piü -dhe =weeyuame 'ö nu Yesu "piü yi 'bha 'ka bha- 'dhö, kö 'i- pö Yesu -dhe, -a 'dhö 'pö -dhe -kɔ ya- 'dhö: «N Dëme, a -nu kö 'i n dha, -a -gen -mü =dhe a 'dhang- -bho "dhiü =dhe =ya kë =dhe =ya ga -zè wo i 'gü, i -moo -bha 'i n -kë "klüöklü.» (Makö 1:40-41). "Kee =ya kë =dhe 'bha i gɔɔ- -zè kë "gbu- kö 'i dho- 'ka -kpeawo, kö 'i -dhetiidhe fië- bho -dhepuudhe -bha, kö i bha -dhekpaɔ dhia" 'yaa 'dhö, kö i -takunme 'yaa 'dhö, -a -gen -mü -dhe kö bhii -dede =në 'i i -kɔ -ye ga -sü 'ö i dhɔɔbhaa -pë 'ka, dhasü "glüü 'gü bha- -bha. -A -gen -mü -dhe -yö -ben zè -sü 'ka Atanna -wu 'gü =dhe: «'Wön yaa =trɔɔn 'ö 'dhö 'yö -mü ga -sü 'ka.» (Wlómö 6:23)

### 'Wönyaakëme -bha -tosea "dhiü 'to -kɔ

-Dhe 'dhe 'ö yö bha 'me 'ö bɔ Yesu 'ka, 'ö go mü 'ö -kan -a -bha 'ö to- 'gü, "iin 'me 'ö -wɪ Yesu -wön -bha -sü yi =në- kpɔ -kpeawo bha, 'pë 'ö -kë -a 'ka- ga "tüng 'gü, 'yö 'kwa- yö mü. =Ya -wɔ ga -gblü "dhiü. -A kwígüdhe -yö pa -sü 'ka "yua waa- 'wön yaa =gban suu 'ka. Ga -zii =ya kpa -a -ta, "suü -ziisü =ya -da -a 'gü, "kee -a "slë 'bha kö yöö- kë 'yaa 'dhö 'zü, ga =ya dun -a -ta. 'Wön yaa -nu 'wo gun -a dhɔɔbhaa 'ka bha, yaa =moo -bha kö -ya -nu kë, -a "sɪ 'yaa- -dhe 'zü =ya 'to ö do 'ka ga wëédhö. -A 'wön yaa -nu bha- -nu kë -sü =trɔɔn 'ö Atanna -ya pö, 'ö -kë -dho "siü -kaso 'gü -sü 'ka bha, -a -kë tean- 'ka

Zuëga ''bleen- ''saaga -naa



'Wõnyaakëme -bha -tosëa ''dhiü 'to -kõ

-sü bha -yaa -dhe yö. =Yaa- 'wɔn dɔ =tɔn =dhe Yesu -wɔn bha 'yaa =sua 'ka, "kɛɛ -a "tüng =ya ziö, -a "sɪ 'yaa- -dhe 'zü kö Atanna 'ö- -wɔn -ma "gbɔng 'ka "dhü, "dhü, "dhü, kö -yö -tun "yaan bha, kö weng- -wo 'wü 'kwëë-. -A "taɔngdë -nu 'ö weng- -nu 'wo gun -tosea kē siē wo 'kwëë- bha, -a -nu =gban -wo =dua =në- wo siē -a -gɔ, 'ö 'wo dɔ -a 'ka =gblɛn 'wo -a zuë" lɔɔ -wu -nu pö, "kɛɛ kö -wu -nu 'kö 'wo bha =wa kē 'me 'ö wo ga -gblü "dhiü bha, -a 'gü "wlaawɔn 'ka, -a -gen -mü =dhe -wu -nu bha- 'bha kö dho -a -ta 'kun- kö -ya dha ga bha- -gɔ, "iin kö -yö ga -zii bho- -ta -a -gɔ 'yaa 'dhö. -A -bha =naɔ 'ö- =slɔɔ yun 'gü yaa 'ka bha 'yaa =mɔɔ- -bha 'zü kö -ya =sii 'bha -da 'gü, kö -ya 'nii- dha, "iin kö -yö ga -bha "dhiü- -dhe 'dho -a -gɔ "sia-. Yaa- 'wɔn dɔ =dhe "tüng -kē Atanna doseng 'gü -sü "tüng =ya ziö, -a -gen -mü =dhe -a -bha me 'ö bɔ- 'ka, 'ö -kē Sɔtraan 'ka bha 'yaa "wɪ 'sü 'ka- -bha -a -gɔ 'zü, =ya dɔ waa- Atanna -nu =zing 'gü.

Pë "pepe 'ö- -dho gun -a kē siē -bleesü, pë "pepe 'ö gun -tosea kē siē -a -nu -wɔn 'gü bha- -a "sɪ 'yaa- -dhe 'zü kö -yö 'ö "tüng kē- -nu 'gü, -a -gɔ "dhiü -me -zian 'ö -kē Sɔtraan 'ka 'ö zun -a -dhe "dhiü 'wɔn =gban -wɔn =gban 'gü bha, 'yaa =mɔɔ- -bha 'zü kö -ya -ta 'kun. «-Yaa 'wɔn dɔ =tɔn =dhe -da Atanna "yaandhe bha- =kwɛɛ- -sü -yö 'wɔn -ziisü =në- 'ka ('me -nu 'wo 'wɔn yaa -kē -a -nu -bha 'ka).» (Eblö 10:31).

-A "tüng- -gun 'gü =dhe -dhekpɔyɪ dɔ =ya =loo 'nu waa- Atanna -nu 'wo -dho 'wü 'koo, 'bha mü -a ga "tüng 'gü, "kɛɛ yaa- 'wɔn dɔ =tɔn =dhe -a "tüng =ya ziö. 'Me 'gbe -dede =në 'wo mü =deɛ 'ö 'wo ga kö "yua 'yii -nu kē, "kɛɛ kö -wo -gun "wɪ siē =dhe wo -dho Atanna mɔɔ- woo- "yua sɛɛ" =në- -ta. -A -kē "dhü -sü bha- 'gü, -a -dheɛ -bha =dhe 'kwa Atanna mɔɔ- "tüng 'ö 'kwa =mɔɔ- -bha 'kwa- =slɔɔ- 'ka bha =në- 'ka. Kwaa- pë "blɛn- bha- 'gü, 'wɔnyaakēme 'ö 'yii "wɪ- -bha kö -yö 'ö "tu to Atanna -wu -bha tongtongdhö, 'ö -kɔ Atanna -bha -gasite waa- -a -bha -dho 'ka -a -bha -tosea 'gü bha, 'yaa Atanna -wu

‘ö me faan do “iin ‘ö me dha peng -kaso -go bha- ma. -Yö za -do ö -bha -me =në- -wu ma. ‘Yaa ö Dhame -zë -wu “neeneë bha- ma, -yö za -do ö -bha -me =në- -wu ma, kö -ya pö sië -dhe: «”Dhangme -nu! -Ka ‘go n -bha bha! “Siü ‘wo- -ya Sotraan waa- ö bha “kië -nu -go bha, ka -zë kaa ‘dho yö =në- ‘gü.» (Matiö 25:41). -Yö -ben zë -sü ‘ka ‘zü Atanna -wu ‘gü -dhe: «Me =ya ga -ko do bha- wo, kö Atanna -bha za -do me -bha -wön =në =ya ‘to.» (Eblö 9:27).


### Zuëga 'ö 'ko zë sië

Pë “bleen- ‘dhe ‘ö ya, Yesu -bha me ‘ö Atanna ‘saa- ‘gü, ‘yaa ö -ko -da ‘wön yaa ‘gü ö bha -tosea ‘gü -a “bleen- -mü. ‘Wön “gbıgbı -nu ‘ö ‘wo- -kë ‘ka oo, -a ‘gü -nu ‘ö Sotraan -ya dan oo, -a ‘bha -ko ‘yaa ziö- -go, -yö -ziö -a =gban ‘gü ‘ö to- ‘ka “dhü ‘ö zun- ‘ka- -bha -tosea “dhiütöyi -bha. -A -gen -mü =dhe -yö ö “yan -kplü Yesu Klisi yöö do =në- -bha ‘yö- -to -a “gbı- ‘ka -sü -faan -da -a ‘gü. -A “yan -yö Yesu ‘ö yö =në kwa -bha -zu -yö Atanna -dhe -sü zübhodhe waa- “dhiütodhe ‘ka bha =në- -bha (Eblö 12:1-2) kö -beng ‘ö Atanna -ya yi kpo kwa -go bha ‘kwa yö =në- ‘sü. ‘Yö =kwee- ”pepe ‘ö- ‘gbiin- ‘dhö gun- kë sië waa- =song yaa- -nu bha- -nu =gban -zuö, ‘yö -beng ‘ö dho Atanna “piü bha- sü ö -sobheë -bha, ‘yö- ‘gü ‘yaa ga.

Sotraan waa- =kengme -nu =gban “pepe -wo =klëen -sü ‘ka- -zü, ‘ö ‘wo- “slë =moo- -bha -kpeawo kö -wa bho tean- -zian ‘ö- sü bha- -ta, “këe ‘waa =moo- -bha. -De -sü ‘kpıi- -sü -nu oo, =nao -dho -nu oo, -zua zë “yina -nu waa- ‘wön yaa ‘gbe kë -pë -nu “bleen- -nu -wo mü. -Dhe ‘dhe ‘ö gun laa -due ‘ka bha, =soofëng =në do sië ‘mü; -a -gen -mü =dhe ‘wön yaa bha -yö ö -de -gla ‘pë ‘gbe ‘gü, ‘ö ö -de -bin, “iin ‘ö ö ‘to -dee kpo.

“Këe Yesu -bha me -dede kö -ya -sü ‘ka ö “yaan, kö ‘zü ‘wön yaa yöö kwi -dee suu “uu suu ‘ö- -da, “iin ‘to -dee suu “uu suu

Zuëga ''blæen- ''susiö -naa



Zuëga 'ö -ya 'to- ''gbu- 'ka Sotraan -ta

'ö =yaa- 'kpɔ, -a 'bha 'yaa -bin -a -gɔ, 'kɔ 'zü yöö bɔ Atanna  
 mɔɔ- -kɔ 'bha -zian -ta, "iin kö yöö 'go Atanna -bha "kië -zian  
 'gü kö- 'bhü -yö dɔ =dhe 'yënn- 'dhö, 'yaa =dheng -a -gɔ, -a  
 -gen -mü =dhe Atanna -wu waa- -bha 'Nii- "slüüslü bha =në  
 'wo zun -a -dhe "dhiü 'ö 'wo teanwɔn =gban "pepe -zɔn -a  
 -dhe. 'Ka -dhe -ga pë "blæen- 'dhe bha- 'gü, me do 'bha -yö  
 'mü 'ö we -kɔɔ 'dhö- =kweng- 'ö- zio sië Atanna -bha me -nu  
 =gban "dhiü "tan 'ka, -ya -kë "dhü kö 'ö "kpënn- kë Yesu  
 -bha me 'ö bha- -gɔ, zuëniidadhe 'ö go "kpongtaapë yaya -nu  
 'gü bha- -nu 'ka. "Këe yö -zë =gban 'gü, Yesu -bha me -dede  
 'ö 'ö -de nu -sü 'ka Yesu -dhe -kɔ =gban -kɔ =gban 'gü, 'ö waa-  
 Yesu 'wo ga -sü -dede 'ka wo "kwëë tean- 'ka 'wɔn yaa waa-  
 "kpongtaapë -nu -gɔ, 'yaa =mɔɔ- -bha kö -yö 'wɔn 'bha bho-  
 -bha. 'Yö me do 'bha 'dhö -dhaa -gban sië 'me 'ö -ya -kplü  
 Yesu -bha bha -a zuë" -bha. -Kɔ 'ö -wu "dhiü- -nu 'ö 'wo- pö  
 Atanna -bha me -nu -dhe, waa- -niëë -sü -nu, "si -nu waa-  
 "suü -da me 'gü -sü 'ö Atanna 'yaa- -nu 'wo- bho Atanna -bha  
 me -nu -gɔ, 'ö me 'bha -nu 'wo- pö wo -de -dhe -dhe Atanna  
 -bha me -nu -mü wo 'ka "këe kö 'waa- 'ka, 'wo- bho bha, 'wo  
 Yesu -bha me -dede =gii 'ka- -nu zuë" -bha bha 'yö bha. "Këe  
 -ya kë "dhü, 'yö -a -zu -yö -bö -wu 'ö Yesu -ya pö yi 'bha 'ka  
 =dhe: «=Wa "si bho ka -gɔ, kö -wo ka -wëë -kë =gban "pepe  
 suu wo, kö -wo -sua suu =gban "pepe -ya ka -bha n -wɔn 'gü,  
 kö -wo dhiang yaa =gban suu do do zë ka -bha, ka -bha -kë n  
 -bha 'ka -sü -wɔn 'gü kö ka -bha -ya kë -së, ka -nii -yö -da -a  
 -wɔn 'gü kö 'ka ka "dhia bho, -a -gen -mü -dhe -a =trɔɔn 'kpii-  
 -yö -ya -sü 'ka ka -gɔ dhang- 'gü. -Kɔ 'wo Atanna  
 -wudhiüloome -nu 'wo gun- 'ka "dhiü, -a -nu -wëëdhe bho- 'ka  
 yi 'bha 'ka 'yö bha.» (Matiö 5:11-12).

'Wɔn yaa waa- kwa -bha -de -sü 'kpii- 'ö -kë «ma» 'ka bha,  
 -wa "slë -mɔɔ -kpeawo kö 'wo -bhea Atanna -dhe -me "kan  
 Atanna -bha -dho bha- -bha, "këe yöö- =gban 'gü, kwa -mɔɔ -a  
 -bha 'kwa- pö =dhe -kɔ 'ö Yesu -bha yëkëme Pɔdhö -ya pö-



‘ka- ‘dhö zuëniidadhe waa- -zu -yö Atanna -dhe -sü ‘gü -dhe: «-Më suu =në dho mɔɔ- -bha ‘ö kwa -kan -dhɔ ö Klisi -ya -kë kwa ‘ka bha- -bha? “Yënnɔ -gbaɔdhe -ee? Zuëdhiütɛɛ -mü -ee? ‘Wɔn -wɔ kwa -ta -sü -mü -ee? Diin- -mü -ee? -Dɔ ‘kpee- ‘ka -sü -ee? -Dɔ -dhëng yaa “dhiü -sü -ee? Ga -mü -ee? -A ‘bin! -A -pë ‘yaa ‘dhö, -a -gen -mü =dhe ziö ‘ö ‘kwa dho- wo ‘wɔn -nu bha- -nu ‘gü ‘ö ‘kwa to -a “gbu- ‘ka bha, Yesu Klisi ‘ö kwa -dhɔ -ya kë bha =në- -faan nu kwa -dhe. “Kplëédhe ‘ö- nu kwa -dhe bha, -a -mɔɔ ‘ka ‘yaa ‘dhö.» (Wlɔmö 8:35,37). =Dhe ‘ö -kë =dhe Yesu -bha me ‘ö ‘dhö -ya Atanna -bha -gblügɔnkwɛɛ -nu -ya -zë wo ö -bha bha, -yö -mɔɔ -a -bha ‘ö to dɔ -sü ‘ka ö -gean ‘ö ‘yaa -pö “tüng yaa -nu bha- -nu ‘gü. ‘Ö -ziö ‘wɔn “gbu- -gban suu ‘gü waa- ‘gü dandhe -gban suu ‘dhö. Kwaa -de ‘pö, kwa -mɔɔ -bha ‘kwa to -a “gbu- ‘ka Klisi ‘ö kwa gba faan ‘ka bha- ‘saa- ‘gü.

‘Waa- kë “dhö “susëngga ‘ö zuëga ‘dhe bha- ‘gü bha, ka “yan -ya -bha, -yö -flü “puu ‘ka, -yö -bhü “tüng -gban ‘gü. Zuëga ‘dhe ‘ö bha -yö pa -sü ‘ka -zu -yö Atanna -dhe -sü =në- ‘ka ‘ö =wënnɔ- -zü, Atanna -bha ‘Nii- “slüöslü bha- -yaa -yö ‘mü. Atanna -wu ‘ö- suu “blëen- ‘dhö Atanna -bha “kië ‘ka, ‘ö -dɔ -a -ta “dhüng ‘gü bha =në- -zu -bö “plüün -sënnɔɔ -nu ‘ö Atanna -ya bho ‘me ‘ö ‘wɔn ‘dhö ‘kunbho -nu ‘gü, ‘wo to -a “gbu- ‘ka, ‘ö dho ‘ö zun- ‘ka- “dhiütodhe -bha bha -a ‘ka -kpeawo. -Yö -ben zë -sü ‘ka Atanna -wu ‘gü =dhe: «’Me yaa- to -a “gbu- ‘ka Atanna -bha ‘ko bha- zë -sü ‘gü, -yö -dho -a -më kë -tosea -kë -bha -dhü ‘ö- -gɔ -gblüdëdhëpö ‘gü bha, -a bhe -bhö -më ‘ka.» «’Me ‘ö yaa- to -a “gbu- ‘ka, ga =ple -naa ‘ö “siü -kaso ‘ka bha, ‘yii ‘dho zun- -më -bha.» «’Me ‘ö yaa- to -a “gbu- ‘ka, -bhöpë ‘wo- madhö -kë ‘ö (Atanna -ya) -lɔɔ yi ‘bha ‘ka Izraëdhö -më -nu -dhe kö -wo “tüng -ta bha, -Zlan -dho -a ‘dhe ‘ö -bin -sü ‘ka bha- nu- -më -dhe, ‘ö ‘a -ya mü ‘a -gwë “puu do ‘ö ‘tɔ -dee ‘ö me ‘bha -më ‘bha ‘yaa- dɔ, kö ‘yii kë me ‘kö ‘a- -nu -dhe bha- ‘ka bha, ‘a- nu- -më -dhe.» «’Me ‘ö

yaa- to -a “gbu- ‘ka ‘ö yaa- to -kplü -sü ‘ka n -wu -bha kö -yö ‘to- ‘ka “dhü -yö zun- ‘ka- “dhiütodhe -bha, a -dho ‘gügübdhe -faan nu -a -me -dhe.» «‘Me ‘ö yaa- to -a “gbu- ‘ka, ‘ö yaa- to -kplüsü ‘ka -Zlan këwön -nu -bha ‘ö zun- ‘ka- “dhiütodhe -bha, a -dho -a -me -ya “segö -nu -gö “dhiü.» «‘Me ‘ö yaa- to -a “gbu- ‘ka, a -dho so “puu -da -bha, ‘ö ‘maa- ‘to bho dha -sü ‘sëedhe ‘ö ‘me ‘wo dho -tosea kë- “piü -a -nu ‘to ‘dhö- ‘gü bha- ‘gü tongtongdhö, ‘ö ‘a -ya mü ‘zü ‘a do n Dë Atanna waa- -bha “kië -nu wëedhö ‘a- pö =dhe ma me -mü.» «‘Me ‘ö yaa- to -a “gbu- ‘ka, a -dho -a -me kë n Dë Atanna -dhökëgükö bha- -gen do ‘ka, ‘ö ‘yaa ‘go mü ‘zü tong- tongdhö...» «‘Me ‘ö Sotraan ‘yii =möö -bha kö -ya zuë” slëë, ‘ö ya ‘to -a “gbu- ‘ka, yeng- yi -dho -ya ma -gblüdedhe -gloo bha- ‘gü... (Dhia) 2:7, 11, 17, 26; 3:5, 12, 21).

‘Wëë- bhö ‘ö “pu -sü ‘ka ‘ö =ya =wenn “sia- bha, -ya -zön =dhe Atanna -bha me ‘ö bha =ya ö =slöppë -nu =gban nu Atanna -dhe. ‘Yaa ö bha =nao ‘gü see- “wlaawön -nu ‘wo “kpung =taa yö bha- -nu -bha ‘zü, “këe -yö -wëëme -nu =në- nu -ta kun- ‘ka, ‘ö ö =slöppë =gban ‘nii- bho Atanna -dhe, ‘ö gbaodhe -nu -kë -Zlan -dhe kë “dhü kö Atanna ‘to -yö bho ö -gö -wön =gban “pepe ‘gü.

‘Bluu- bhe waa- “vüga ‘ö ‘wo mü bha =në ‘wo- -zön kwa -dhe =dhe ‘me ‘ö bha- -bha -tosea ‘ö ‘dhö, pö ‘aa- -bha tongtongdhö, ‘yaa pë -bhö kö -yö ziö- ‘ka -naa ‘gü. ‘Yaa ö -de -dhii kun we “dhiü- -nu mü -sü ‘ka, “iin ‘yaa wü =yöön -bhö, ‘pë “vu ‘pë ‘kö me -dhii ‘kun -pë -zë ‘ka Atanna wëedhö ‘yaa -zuö -a ‘bha -bha. ‘Yaa ö bha ‘wëë- ‘gü see- “wlaapë -nu -bha, -a kwi ‘ö Atanna -ya ‘gü -kö ‘ka bha, ‘yaa- -dhii ‘kun ‘taa- -nu waa- “zang -nu -zian ‘kun -sü ‘ka kö yöö- -nu ‘to- ‘taa- “kpea =në- -bha. -Bhöpë ‘ö pö ‘aa- -bha, “iin ‘ö ‘yaa pë -see -bha -pë ‘ka =në- -bhö. -A zuë” -yö Atanna -dhökëgükö =në- suu ‘ka. -Yö -dho Atanna -dhökëdhe ‘gü ‘ö “tëebö -nu “piü -kpeawo “tüng suu =gban ‘ka, ‘ö -bhea Atanna -dhe -sü -dho -ya kë

'böbödhö, 'ö- -kë ö -gɔ 'kɔɔdhö, "iin ö -gɔ "kweandhö, "iin -dhe 'ö -dhe -ta 'dhö dɔ -sü 'ka- -bha dinngdhö bha- -nu 'gü, -a -gen -mü =dhe kö -ya -naa -dɔ =dhe Yesu -bha me 'ö 'dhö, 'yaa =mɔɔ- -bha kö -yö -tosea kë ö -de -ta kö- -kɔ 'yaa Atanna =kweng- -bhea -a -dhe -sü 'ö "tüng =gban 'gü -a 'ka.

'Sëedhe 'ö "pu -sü 'ka bha, Atanna -wu 'sëedhe 'ö- -wu pö -dhe "klɔng 'ö -kpaɔ 'ka bha 'yö bha. -Yö 'wɔndɔdhe oo, faan -nu oo, =sii -nu oo, -dhepuudhe -nu waa- =naɔ 'ö -bin -sü 'ka me "bhu- -nu -gɔ bha- -slɔɔ -dhe bha =në- 'gü. 'Sëedhe bha -a -wo =në -ya kë =dhe -a -bha =dhama 'dhö -a -gen "piü (Atanna -bha zian -ta), yöö do bha 'zü =në -dhe -a -bha 'ko -zë 'ka -piö 'dhö ö 'yaɔ- -nu -gɔ. -A -wɔn -ya -gɔ "gbu-, -a -gen -mü =dhe -yö =dhe -a 'nii- -bha -bhöpë 'ö go Atanna "piü -a 'dhö yi "pepe =gban 'ka. -Yö =dhe "yi -sea 'ö "yi mü -dho bho- -bha, =dhe "yi =gblü 'ö ö -zu =bhaa, "iin =dhe -dhuangdhe 'ö ö -de -ga 'gü -a 'dhö. Yesu -dɔbhadhü bha- 'sü -sü (kö -yö ziö- 'ka Yesu =keng- bha) -a -dho -ya -kë, -a -gen -mü =dhe -ya -naa dɔ =dhe me 'bha 'yaa -gblüdëdhe -zë -a 'faan- =slɔɔ "weewe kö 'yii- -ko zë. =Dhe 'ö -kë 'pö =dhe -ya -naa -dɔ =dhe waa-Yesu =wa 'go ga 'gü, =wa -bö wo "kwëë, 'ö -tosea -dee =në- kë sië =taamasü ya- 'gü, -yö pë -nu 'wo dhang- 'gü 'ö 'waa yën -pë 'ka tongtongdhö, "iin 'ö 'waa see- bha =në- -nu =mɔɔ. -Yö ö baa- -sü 'ka "tüng =gban "pepe 'gü, =dhe 'ö -kë =dhe -a -dho Atanna "piü -wɔn =në- "yaan -wɔn 'ka bha- -wɔn 'gü. -A -kë "dhü -sü bha- 'gü, -yö =dhe "dhü 'ö ta -sü 'ka "yi "dhiü, 'ö ö bhe -ya, =dhe -drɔɔ -dhü 'ö 'wo- ta -a kwëë" 'ö bha -a 'dhö. 'Me 'ö "dhü bha ga -sü "suü 'yaa kë- 'gü, -a -gen -mü =dhe Atanna -bha 'Nii- -yö kë 'ö- wo -a pa -sü 'ka bha- -wɔn 'gü, Atanna -bha -dho 'ö- mɔɔ 'ka 'yaa 'dhö bha -ya zuë" pa -sü 'ka.

Zuëga 'blëen- -kaong do -naa



'Dhang- -bho Yesu 'dhiü -me 'ö -da sië  
ö Dhame -bha 'töbhödhe 'gü.

## -Da i Dhame -bha 'təbhəðhe 'gü

Yesu -ya -pö: «=Waa- pö game -nu -böme, kö -wo -wt ma =në n 'ka, =waa- pö =sii, kö -wo -wt ma =në n 'ka. 'Me 'ö 'dhang-bho n "dhiü, aa" =ni =ya ga, -yö -dho -tosea kē-. Me "uu me 'ö 'dhang-bho n "dhiü kö -yö ö "yaan, kö- me -yö =sii 'kö bha- =sləw, 'yii 'dho ga 'zü tongtongdhö.» (Zan 11:25-26). 'Yö -ya mü 'zü 'ö- pö: «'Me 'ö "tu to n -wu -bha, 'ö 'dhang-bho n Dē 'ö n bə -a "dhiü, kö =sii 'ö- "dhiütodhe 'yaa 'dhö =ya kē- me -dhe, -a -me 'yii 'dho -wo Atanna -bha zadəðhe 'gü, 'yii dho ga -'zü, kö =ya =sii 'ö 'yaa yēn- =sləw =naa bha. Ga -sü 'sika 'yaa kē- 'gü, "iin 'yaa "suü ga -gə.»

-Yö -ben zē -sü 'ka Atanna -wu 'gü =dhe: «=Ya kē =dhe 'pē 'ö ga -pē 'ka =ya bo kwi 'dhe 'yaa ga -a -da -sü 'ka ö -bha, kö 'pē 'ö ga =ya bo "gla -sü 'ka 'pē 'yaa ga -a 'gü.» Kö -wu 'ö -ben zē -sü 'ka Atanna -bha 'sēəðhe 'gü =dhe: «Atanna -kə =ya ziö ga -gə, -a -bha -gblü =yaa- "mēng.» "Iin 'zü =dhe: «Ga i -kə -ziö me "bhu- -gə -dhe =nē 'me =tən? I =glongga 'i gun me 'kun siē- 'ka bha -yö 'me =tən? Ga -glongga bha yö -mü 'wən yaa 'ka, 'wən yaa -bha 'gügbudhe bha- zü -yö -gban 'təng- 'gü. "Kēē -kwa Atanna nuē" bho, -a -gen -mü =dhe yö =nē kwa -kə -ziö 'wən yaa waa- ga -nu -gə kwa Dēme Yesu Klisi 'saa- 'gü.» (1 Kodhengtö 15:54-57). Me "uu me 'ö =ya 'dhang-bho Atanna -wən "dhiü, 'ö =ya -tosea kē Atanna -bha zian -ta pingpingdhö 'yaa "suü ga -gə. =Ya kē =dhe -a -dho Atanna "piü "təng =ya -loo, -yö -dho ö 'flēē- 'gü =dhe -kə 'ö Pədhö -ya pö- 'ka- 'dhö =dhe: «-Yö n "piü =dhe 'a 'go "kpungtaadhe ya- 'gü kö 'a 'dho Klisi "piü dhang- 'gü, -a 'dhe bha- "dhia -yö n 'gü ('ö -ziö 'ka "kpungtaadhe -bha -ta).» (Fidhipö 1:23).

-Kə 'ö Yesu -bha me -nu 'wə bə- 'ka kö -wo -kpan -bha -a -nu "yangga =ple 'ka =nē- =fēē 'dhö -a -nu -kē. -Ya "piü -dedewo =dhe 'ö -kpan Yesu 'ö -a dha, -ga "dhü -bha -sü 'ka bha -a -bha. 'Yö Atanna -bha 'Nii- "slüüslü -ya -zu -bö 'pö Yesu -wu

'ka, 'ö- pö =dhe: «Ka zuë» 'ya 'dho kaan- "kwëë, "këë ka 'dhang- bho Atanna "dhiü kö 'ka 'dhang- bho mang =de 'pö n "dhiü! -Yea 'ö n Dë "piü dhang- 'gü -yö 'gbe. =Ya kë =dhe 'ma 'dho, 'ma ka -yëa baa-, a -dho n "dhiü yee kë- 'zü -deewo 'a nu ka 'sü -dhe 'gü, 'yö 'ka -kë n "sɔɔ kë "dhü kö -dhe 'a- -bha kaa =de 'pö 'ka kë 'mü.» (Zan 14:1-3).

«...»Wɔn 'ö me 'bha -me 'bha "yan 'yii -da 'gü do, "iin 'ö me 'bha "tu 'yii -da 'gü do, 'ö me 'bha -me 'bha -zu 'yii -da -ta do, Atanna -yaa -nu kë 'me 'ö- -dho 'dhö -nu -kë -a -nu -bha 'ka.» (1 Kodhengtö 2:9).

-Wu 'ö pö -wu 'ka "kpungtaa yö, -a 'bha 'kö 'wo dho -mɔɔ -bha kö -wo -yëa -së 'ö Atanna 'ö- baa- -sü 'ka, 'ö- -ya -sü 'ka -bɔ Yesu 'ka -me -nu -gɔ, "iin -a -bha medhe 'ö baa- -sü 'ka 'me 'wo "ta sië Dëme Yesu Klisi "gluv -ta "kpungtaa yö bha- -nu -dhe bha, -a -dhiang zë- 'gü -dhi 'yaa 'dhö.

Pë "bleen- 'dhe 'ö- 'dhe 'ö ya ö dɔ- "piü ya, ga =në 'ö ö -de -zɔn 'ka -zɔn me ga "kpea -de -slɔɔ 'ka bha. "Këë -a -to =taamasü 'ö ya, Yesu -bha me 'ö yöö ga, 'ö Atanna -bha "kië -ya nu- 'sü -dhe 'gü kö -yö 'dho- 'ka Atanna "piü yö -mü. -A 'nii- waa- -a -zii -nu =gban =wa 'go ga kwi bha- 'gü, -wo wlüü" sië kö 'wo 'dho Yesu =në- -zian 'ka. -A -gen -mü =dhe -yö -tosea -kë yö =në -bha kë 'gü. Atanna -yö ö "yan 'to sië- -gɔ, kö -yö =loo- -bha -wu "nëeneë -nu 'ö- Dëme, -a -gɔme -ya pö 'ö- pö =dhe: «Ma gwëëmi, i këwɔn -yö -së. 'Wlɔɔnë -mü i 'ka, i -to i -wu -ta. =Dhe 'kö 'bha kë 'wlɔɔnë 'ka pë 'nëseennë 'a- to i "piü bha- -wɔn 'gü bha, a -dho i 'sü- 'a i -ya -a 'kpiki -kpiki -gɔ "dhiü. =Dhe 'ö "dhü, -bhö nu kö 'kwa kwa "dhia bho» bha- 'ka. (Matiö 25:21). Sɔtraan -bha 'gügbutdhe -kɔ 'yaa =mɔɔ- -bha 'zü. -A -gen -mü =dhe -yö -ben zë -sü 'ka Atanna -wu 'gü =dhe: «'Me 'ö Atanna -dho -ya -nu -kë bha- -nu ga -sü =bhlëë -yö 'kpii- Atanna wëëdhö.» ("Tan 'sëedhe 116:15). 'Yö -ben zë -sü 'ka -zü =dhe: «=Dhe 'ö -kë "dhü, 'yö -wu do 'bha

-yö bö dhang- 'gü, 'ö- pö =dhe: -Bhö -a -ben zë, =dhe me "pepe 'wo dho ga Dëme -bha zian -ta, 'ö go =dee bha 'ö dho- 'ka "dhiü bha, -a -nu -bha -së. 'Wön 'ö- wön 'gü, 'yö 'Nii- "slüüslü yöö -dede 'ö- 'bha -zuö -ta, 'ö- pö: «-Yö "dhü tean- 'ka, -wo wo 'gü =gloo. -A -gen -mü =dhe 'wön -sengbö -nu 'wo- -kë kö -wo -tun "yaan bha -wo -dho -kpan -gban -bha Atanna -kuu "dhiü.» (Dhia" 14:13).

Bhi 'ö 'i 'sëedhe 'ö -ya kë =dhe -dhuangdhe 'ö me -yö =moo- -bha me me zuë" "piü -wön yö- 'gü 'dhö ya -a -wu pö sië ya, Atanna -yö i -ta 'kun kö 'i i zuëga nu 'me 'ö i -dho -ya -kë bha- -dhe, -a -gen -mü =dhe "tüng -dede 'ö 'i- -wu pö sië-'ka "dhü bha -yö bhea" sië i -dhe, 'ö dhiang zë i -dhe 'ö-pö: «N gbö ("iin n 'dhu), -bhö "wü n -wön -bha kö 'i i zuëga nu n -dhe!» ("Gwënnng 'sëedhe 23:26). I zuëga 'ö -ya sëë bho, 'ö- -din -ya yën, i zuëga 'ö saan" sië bha- nu Yesu -dhe. -Yö -dho i gba zuëga -dee waa- 'nii- -dee 'ka. 'Bha 'dho "kpënnng- kë i -de -gö 'ö i zuëga -yö i -pö 'ö 'i to -a -dhidhewön kë -sü -bha, -a -gen -mü =dhe -yö -ben zë -sü 'ka Atanna -wu 'sëedhe 'gü =dhe: «'Me 'ö 'dhang- bho ö -de zuëga "dhiü kö "yaaki 'yaa- -bha, "keë 'me 'ö "ta sü -kpaodhe -bha -yö -dho dha-» ("Gwënnng 'sëedhe 28:26). -Bhö i kwaa- 'wön yaa kë -sü -zü kö 'i -kplü 'wön -së kë -sü -bha», -a -gen -mü =dhe «'wön yaa =tröön 'ö 'dhö 'yö ga 'ka, "keë 'pë 'ö Atanna -ya -gbaö 'me 'ö 'dhang- bho kwa Dëme Yesu Klisi "dhiü -a -gö "weke -weke, 'yö -mü -tosea 'ö 'yaa yën 'ö- "piü bha =në- 'ka.» (Wlomö 6:23).

Bhi 'ö bhii =de 'pö bha i -bha -tosea nu Atanna -dhe bha, 'pë 'i- =slöö Atanna "gblüü "piü, -bhö -a 'kun "gbu- -zu -yö Atanna -dhe -sü waa- -dho 'i- -kë Yesu 'ka bha- -nu 'ka 'wön 'ö Yesu -bha yëkëme Pödhö -ya pö 'sëedhe =ple -naa 'ö- bö Timote -dhe -a 'gü 'ö- pö =dhe: «-A -gen -mü =dhe 'me 'a 'dhang- bho- "dhiü bha a- -dö. 'Ö 'a 'dhang- bho- "dhiü 'kpakpadhö =dhe "si -ya -dhe. -A -wön 'gü yë 'ö- kefama bho

n -bha bha -yö -dho ö -zu kë- 'gü 'ö dho 'ö zun- 'ka yi 'ö dho za dɔ- 'ka me "bhu- -nu -bha bha -a -bha.» (1 Timote 1:12). -Bhö i faan dɔ -zu -yö Atanna -dhe -sü 'ö 'kpakpadhö bha- 'ka, kö 'i bhea" Atanna -dhe -a -bha 'Nii- "slüöslü bha- faan 'ka, kö 'i -kplü -së 'ka -dho 'ö Atanna -ya -kë kwa 'ka bha- -bha, kö 'i -dhe -ga Yesu "piü -kpeawo, -a -gen -mü =dhe yö =në zian oo, teanwɔn waa- -tosea 'ö -gban Atanna -bha -a 'ka. Yö =në kwa Dëme 'ö nu sië ö -bha me -nu 'sü yi do 'ka, -gblüdë -nu -bha -gblüdë, "sekɔɔnme =gban =kɔɔnme 'ka.

Atanna 'ö "dhü 'ö doseng, 'ö kwa dha kwa Dëme Yesu Klisi 'saa- 'gü bha =në- 'tɔ -yö bhɔ, -a -gen -mü =dhe yö =në 'kpii-, yö =në "sü 'dhö- -dhe, -kɔ -mɔɔ 'wɔn -bha -sü 'ö gun- -gɔ yi 'bha 'ka bha, -yö -tun -gɔ =dɛɛ, 'ö dho 'to- -gɔ -to "dhü 'ka. -A pö 'a- wo "dhü bha- 'klɔɔ- -mü =dhe yö =në- -kɔ dho =mɔɔ- -bha kö -yö ka -maa kë kö ka -gen "dhiü 'ya 'dho -zuö 'ö 'ka -pö -a -bha zian bha- -ta 'ö to- 'ka "dhü 'ö zun- 'ka yi 'ka dho -da 'ka -a -bha -gblüdëdhekëdhe 'gü, kö pö 'aa ka -bha, "kɛɛ =niidadhe -ziisü ka bha- -bha. Kö- 'tɔ -yö bhɔ "dhü tean- 'ka bha 'aa -yö kë! (Zudë 24-25).



**A SPECIAL WORD FROM ANGP**  
**UN MONDE SPÉCIAL DE L'ANGP**  
**UMA PALAVRA ESPECIAL DA ANGP**

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from [www.angp-hb.co.za](http://www.angp-hb.co.za) or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, plaques, etc. de [www.angp-hb.co.za](http://www.angp-hb.co.za) ou comme une Application "Heart of Man" sur téléphones Android.

Este livro "O Coração do Homem" é obtido em mais de 538 línguas e dialectos falados em todo o mundo, a saber: (África, Ásia, América do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablets, etc. de [www.angp-hb.co.za](http://www.angp-hb.co.za) ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, a

**l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.**

**As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.**



**Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.**

**If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.**

**Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.**

**Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.**

**Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.**

**Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos**

informar. Pois nos gostaríamos de agradecer a Deus juntamente convosco, e lembra-lo sempre em nossas oracoes.



For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratufamente a literatura evangelica, livros e folhetos em mais de 538 lnguas diferentes escreva para:

E-MAIL: [info@angp-hb.co.za](mailto:info@angp-hb.co.za)  
[info@angp.co.za](mailto:info@angp.co.za)

**ALL NATIONS GOSPEL PUBLISHERS**

**P.O. Box 2191**

**PRETORIA**

**0001**

**R.S.A.**

**A Gospel Literature Mission financed by donations**  
**Une Mission de litterature evangelique financee de dons**  
**Missao de literatura Evangelica financiada por donativos**

(Reg. No. 1961/001798/08)